



再列

春秋左氏傳校本一二

2787
15-1



嘉永三年庚戌秋再刻

春秋左氏傳校本

尾張 秦鼎先生校讀

天正七年三月七日寄
改田原氏贈

2787
卷1-15

掌書曰史記史
官記事也繫謂以

下綴上此日有此
事故以事繫日遠
近謂年月同異謂
事也四時四字不
可以為書名故交
錯互舉春秋二字
包冬夏也周禮史
官謂內史外史小
史職等也掌事謂
四方有書來告讀
以白玉達志謂達
己國之志以倍四
方即赴者之禮也
大竹曰策小竹曰
簡牘木版也檮杌
惡獸以記惡為名

春秋左氏傳序

正義云周法每國有史記同名春秋故昭二年及坊記稱魯春秋按是特言魯以別他國也

春秋者魯史記之名也記事者以事

繫日以日繫月以月繫時以時繫年

所以紀遠近別同異也故史之所記

必表年以首事年有四時故錯舉以

為所記之名也周禮有史官掌邦國

四方之事達四方之志諸侯亦各有

國史大事書之於策小事簡牘而已

孟子曰楚謂之檮杌晉謂之乘而魯

左氏傳

乘卒乘義取軍旅
韓子見昭二年隱
七年書名例云謂
之禮經十一年不
告例云不書于策
明書于策必有常
禮仲尼未修前舊
有此法此言雖諸
國有書而魯最備
也昭卅一年傳春
秋之稱微而顯宛
而辨上之人使昭
明善人勸淫人懼
崩薨曰赴禍福曰
告典禮者合典法
者褒之違禮法者
貶之史居官之人
節書策之交善志

謂之春秋其實一也韓宣子適魯見
易象與魯春秋曰周禮盡在魯矣吾
乃今知周公之德與周之所以王韓
子所見蓋周之舊典禮經也周德既
衰官失其守上之人不能使春秋昭
明赴告策書諸所記法多違舊章仲
尼因魯史策書成文考其真偽而志
其典禮上以遵周公之遺制下以明
將來之法其教之所存文之所害則

記事之善者傳曰
昭卅一年又曰成
十四年以上論經
先經者隱公不書
卽位先發仲子歸
于我之類也後經
者昭廿二年書王
室亂定八年乃言
劉子伐孟以定王
室之類也依經者
經有其事傳明其
由若隱公不書卽
位而言公卽位求
好于邾故爲蔑之
盟之類也錯經者
若地有兩名經傳
互舉經傳伐經
伐傳侵於文雖異

刊而正之以示勸戒其餘則皆卽用
舊史史有文質辭有詳畧不必改也
故傳曰其善志又曰非聖人孰能脩
之蓋周公之志仲尼從而明之左丘
明受經於仲尼以爲經者不刊之書
也故傳或先經以始事或後經以終
義或依經以辯理或錯經以合異隨
義而發其例之所重舊史遺文畧不
盡舉非聖人所脩之要故也身爲國

於理則合之類也
例所重若桓元年
秋大水傳云凡平
原出水為大水莊
七年秋大水此類
雖例所重邱明略
之不叙此有經無
傳也身國史以下
說無經有傳之意
文緩非直說經故
也旨遠遙明聖意
故也枝葉傳文也
究窮經義也優游
學者之心又飽足
其好欲使樂翫不
倦膏澤膏雨也其
發凡其者指左氏
此段說舊發例也

史躬覽載籍必廣記而備言之其文
緩其旨遠將令學者原始要終尋其
枝葉究其所窮優而柔之使自求之
饜而飫之使自趨之若江海之浸膏
澤之潤渙然冰釋怡然理順然後為
得也其發凡以言例皆經國之常制
周公之垂法史書之舊章仲尼從而
脩之以成一經之通體其微顯闡幽
裁成義類者皆據舊例而發義指行

以凡字發例有五
十條此凡例非左
氏以意說經又非
仲尼作經方有此
也微顯以下說新
意也蓋經之明者
隱之幽者明之天
王狩于河陽是顯
也傳發晉侯召王
是微也鄭伯克段
于鄆是幽也傳發
武姜愛段是闡也
諸稱以下承上發
義而言有此七類
也發凡舊也七類
新也發例即七類
也七類外又有追
書言徐等亦新意

事以正褒貶諸稱書不書先書故書
不言不稱書曰之類皆所以起新舊
發大義謂之變例然亦有史所不書
即以為義者此蓋春秋新意故傳不
言凡曲而暢之也其經無義例因行
事而言則傳直言其歸趣而已非例
也故發傳之體有三而為例之情有
五一日微而顯文見於此而起義在
彼稱族尊君命舍族尊夫人梁亡城

也史所不書正合
仲尼意者即以其
不書為義如宣十
年崔氏出奔衛也
春秋新意不以凡
起例每事發傳委
曲通暢之國有大
事史必書之其事
非闕褒貶之例傳
直言其歸趣已發
凡正例一也新意
壹例二也歸趣非
例三也微顯等五
句成十四年傳文
稱舍亦同梁亡備
十九年緣陵僖十
四年也約言其事
示法推尋其事知

緣陵之類是也二曰志而晦約言示
制推以知例參會不地與謀曰及之
類是也三曰婉而成章曲從義訓以
示大順諸所諱辟壁假許田之類是
也四曰盡而不汙直書其事具文見
意丹楹刻桷天王求車齊侯獻捷之
類是也五曰懲惡而勸善求名而亡
欲蓋而章書齊豹盜三叛人名之類
是也推此五體以尋經傳觸類而長

例參會桓二年與
謀宣七年此二者
言一字而義異也
婉屈曲也諱惡臣
子之義可訓於後
璧假桓元年也亦
亦曲也丹楹莊廿
三年刑楠莊廿四
年求車桓十五年
獻捷莊廿一年昭
廿年盜殺衛侯之
兄繁齊豹欲求不
畏強禦之名而抑
之曰盜是亡也三
叛人非卿不合書
名以竊地故書名
是章也三叛事詳
昭卅一年錯文見

之附于二百四十二年行事王道之
正人倫之紀備矣或曰春秋以錯文
見義若如所論則經當有事同文異
而無其義也先儒所傳皆不其然答
曰春秋雖以一字為褒貶然皆須數
句以成言非如八卦之爻可錯綜為
六十四也固當依傳以為斷古今言
左氏春秋者多矣今其遺文可見者
十數家大體轉相祖述進不得為錯

義謂文之異者義亦異也卦有六爻一爻變則成一卦經一字異不成一義故當依傳以斷經文若夫文異而邱明不為發傳以其無義故也經之詳略本不著義強為之說理不可通是不得進及也於傳之外別立異端是不退守也若有例無凡則傳有變例如是者推尋變例以正褒貶宣十年崔氏出奔衛傳云書曰崔氏非其

綜經文以盡其變退不守丘明之傳於丘明之傳有所不通皆沒而不說而更疇引公羊穀梁適足自亂預今所以為異專脩丘明之傳以釋經經之條貫必出於傳傳之義例揔歸諸凡推變例以正褒貶簡二傳而去異端蓋丘明之志也其有疑錯則備論而闕之以俟後賢然劉子駿割通大義賈景伯父子許惠卿皆先儒之美

罪也不書名者非罪則書名者是罪比類是推正也經有左氏不解則就二傳簡其合義者也前漢劉歆字子驥後漢賈逵字景伯父徽字元伯授業于逵許惠卿名淑魏郡人穎子嚴名容陳郡人集解謂集經傳而為之解也朱云聚類聚也察其異同秋例具載之以下四節衛魯春秋一節素王素臣一節黜周王魯微

者也未有穎子嚴者雖淺近亦復名家故特舉劉賈許穎之違以見同異分經之年與傳之年相附比其義類各隨而解之名曰經傳集解又別集諸例及地名譜第歷數相與為部凡四十部十五卷皆顯其異同從而釋之名曰釋例將令學者觀其所聚異同之說釋例詳之也或曰春秋之作左傳及穀梁無明文說者以為仲尼

支隱義一節止麟
終卒一節九四節
而下文分解之家
語齊太史子餘歎
孔子云天其素王
之乎素空也言無
位而空王之也彼
子餘美孔子之深
故為此言耳非孔
子自号為素王也
儒者又謬立素臣
者非也 危行即
謂黜周王魯也言
遜即微言也
麟鳳龜龍白虎五
靈上無明王是虛
應為人所獲是失
歸也

自衛反魯脩春秋立素王丘明為素
臣言公羊者亦云黜周而王魯危行
言孫以辟當時之害故微其文隱其
義公羊經止獲麟而左氏經終孔丘
卒敢問所安答曰異乎余所聞仲尼
曰文王既没文不在茲乎此制作之
本意也歎曰鳳鳥不至河不出圖吾
已矣夫蓋傷時王之政也麟鳳五靈
王者之嘉瑞也今麟出非其時虛其

感麟而作春秋既
因感而起所以終
于獲麟之一句也
問春秋終于獲麟
何以始于魯隱也
隱公之初當平王
之末

按孔疏丘明素臣
未知誰所說也言
公羊者謂何休輩
福祚之胤
美固可尋迹必不
墜而竟不能然者
為無法故也故仲
尼整之作此法其
意言若能用我道
必可致此也

應而失其歸此聖人所以為感也絕
筆於獲麟之一句者所感而起固所
以為終也曰然則春秋何始於魯隱
公答曰周平王東周之始王也隱公
讓國之賢君也考乎其時則相接言
乎其位則列國本乎其始則周公之
祚胤也若平王能祈天求命紹開中
興隱公能弘宣祖業光啓王室則西
周之美可尋文武之迹不隊是故因

年月之歷數時人之行事言雖事既往不可復追冀垂法將來使後人放之經書春王正月原其此意知非黜周隱元年公及邾儀父盟此公即隱東周興周道於東方也

其歷數附其行事采周之舊以會成王義垂法將來所書之王即平王也所用之歷即周正也所稱之公即魯隱也安在其黜周而王魯乎子曰如有用我者吾其為東周乎此其義也若夫制作之文所以章往考來情見乎辭言高則旨遠辭約則義微此理之常非隱之也聖人包周身之防既作之後方復隱諱以辟患非所聞也

辭約少則義趣深微聖人防慮周於身自知無患方始作之

子路欲使門人為臣孔子以為欺天而云仲尼素王丘明素臣又非通論也先儒以為制作三年文成致麟既已妖妄又引經以至仲尼卒亦又近誣據公羊經止獲麟而左氏小邾射不在三叛之數故余以為感麟而作作起獲麟則文止於所起為得其實至於反袂拭面稱吾道窮亦無取焉

傳 紙文構机徒刀反 楊升菴云杜注構

杙凶頑無德匹貌
則當音傳構者構
余山等皆音構為
例于偽反又如字
附注如字是長之
丁丈反附注當為
展兩反數句色王
反附注所具反層
引方于反附注方
無反素王于況反
附注如字中興丁
仲反附注陟仲反
包必交反附注班
交反之防扶放反
又音房附注音房
是也

後序

元凱先為荆州刺
史鎮襄陽督諸軍
伐吳將兵向江陵
因東下伐吳吳平
又自江陵還襄陽
按乾隆本叙例序
曰晉書稱預自平
吳後從容無事乃
著集解叙例等比
老乃成今考土地
名篇稱孫氏備序
于吳故江表所記
特略則其屬豪實
在平吳前故所列
多而漢三國之郡
縣與晉時不及合
可見史所謂者未
詳鼎謂此序已稱

大康元年三月吳寇始平余自江陵還襄陽解甲
休兵乃申抒舊意脩成春秋釋例及經傳集解始
訖會汲郡汲縣有發其界內舊冢者大得古書皆
簡編科斗文字發冢者不以為意往往散亂科斗
書久廢推尋不能盡通始者藏在祕府余晚得見
之所記大凡七十五卷多雜碎怪妄不可訓知周
易及紀年最為分了周易上下篇與今正同別有
陰陽說而無彖象文言繫辭疑于時仲尼造之於

申稱舊意則其屬
蒙在平吳前審矣
又依此序似秋例
作先集解作後與
前序所言小異
太康元年汲郡民
盜發魏安釐塚得
竹書漆字科斗之
文科斗者周時古
文其字頭與尾細
似科斗與大凡七
十五卷周易二卷
紀年十二卷瑣語
十一卷周王遊行
五卷差為整頓餘
多打簡碎雜詔荀
勗和嶠以隸字傳
之安釐是哀王之

魯尚未播之於遠國也其紀年篇起自夏殷周皆
三代王事無諸國別也唯特記晉國起自殤叔次
文侯昭侯以至曲沃莊伯莊伯之十一年十一月
魯隱公之元年正月也皆用夏正建寅之月為歲
首編年相次晉國滅獨記魏事下至魏哀王之二
十年蓋魏國之史記也推校哀王二十年太歲在
壬戌是周赧王之十六年秦昭王之八年韓襄王
之十三年趙武靈王之二十七年楚懷王之三十
年燕昭王之十三年齊湣王之二十五年也上去

孫也故其塚藏其
祖時之書
按書史大康二年
汲郡人不準盜魏
襄王墓或言安釐
王竹書數十車漆
書科斗附東晉分
紀又廣川書跋大
康二年衛州共縣
之西盜發塚得竹
策之書魏安釐王
時書當坑儒之前
八十六歲又晉紀
言咸寧五年盜發
汲郡塚又法書死
南齊時襄陽盜發
楚王墓得古竹簡
方密之淹賈群籍

孔丘卒百八十一歲下去今大康三年五百八十
一歲哀王於史記襄王之子惠王之孫也惠王三
十六年卒而襄王立立十六年卒而哀王立古書
紀年篇惠王三十六年改元從一年始至十六年
而稱惠成王卒即惠王也疑史記誤分惠成之世
以為後王年也哀王二十三年乃卒故特不稱謚
謂之今王其著書文意大似春秋經推此足見古
者國史策書之常也文稱魯隱公及邾莊公盟于
姑蔑即春秋所書邾儀父未王命故不書爵曰儀

不能引杜此序為
斷而曰汲冢楚家
今不能分何也
揚用修曰薛瓚注
漢書引汲郡古文
云晉武公滅荀以
賜大夫原氏黧是
為荀叔又引韋章
救鄭次于南屈又
引梁惠王發逢忌
之數以賜民今沒
儀有逢敗忌沢是
也按此數條今汲
冢書不載則今書
果發塚所得者否
鼎按滅荀發數翟
章今載之楊水細
讀本書也又按狄

父貴之也又稱晉獻公會虞師伐虢滅下陽即春
秋所書虞師晉師滅下陽先書虞賄故也又稱周
襄王會諸侯于河陽即春秋所書天王狩于河陽
以臣召君不可以訓也諸若此輩甚多略舉數條
以明國史皆承告據實而書時事仲尼脩春秋以
義而制異文也又稱衛懿公及赤翟戰于洞澤疑
洞當為河即左傳所謂熒澤也齊國佐來獻玉磬
紀公之麇即左傳所謂賓媚人也諸所記多與左
傳符同異於公羊穀梁知此二書近世穿鑿非春

例註發作廢是也
按繫辭下當有等
傳二字
邾儀父見隱元年
滅下陽見僖二年
狩于河陽見僖廿
八年
葵澤見閔二年
賓媚人見成二年
按其卿之其本書
作命
按黃伯思校讎師
春五篇益後人僞
作非杜所見
於疑放之誤
殺伊尹下本書有
天大霧三日五字
沉約云此段與前

秋本意審矣雖不皆與史記尚書同然參而求之
可以端正學者又別有一卷純集疏左氏傳十筮
事上下次第及其文義皆與左傳同名曰師春師
春似是抄集者人名也紀年又稱殷仲壬即位居
亳其卿士伊尹仲壬崩伊尹放大甲于桐乃自立
也伊尹即位於大甲七年大甲潛出自桐殺伊尹
乃立其子伊陟伊奮命復其父之田宅而中分之
左氏傳伊尹放大甲而相之卒無怨色然則大甲
雖見放還殺伊尹而猶以其子為相也此為大與

後不類蓋後世所益杜不見古文尚書故唯以書序考正按孔疏古文孔傳東晉豫章內史梅賾始上又引晉書書曰汝南梅曠於前晉奏上此書建學官在東晉元帝時則為出前晉似是然杜未及見也夫孔傳非出安國與才老朱晦庵王魯齊金仁山近世王鳴盛諸賢皆疑為後人偽造或謂出自王肅家

尚書叙說大甲事乖異不知老叟之伏生或致辱忘將此古書亦當時雜記未足以取審也為其粗有益於左氏故畧記之附集解之末焉伊尹事見襄廿一年傳

陸氏音義 附

春秋序

此元凱所作既以釋經故依例音之本或題為春秋左氏傳序者沈文何以為釋例序今不用繫日工帝別

同異

彼列錯舉七各反於策本又作冊亦作策同初革反簡牘徒木孟子孟子書各姓孟

宣子名起

盡在津忍反以王于況反赴告古毒反記注張住反韓宣子或作註

則刊

苦且反先經悉薦反後經戶豆反所重直龍反將令力呈反要

終

於遙反究久又反饜於豔反飲於預反自趨七住反之浸子鵠反膏古刀反渙

呼亂

怡以之反闡幽目善反褒保刀反貶彼檢反暢之勅亮反歸趣七住反

文見

賢通反舍族捨音參會七南反與謀音預婉於阮反諱辟本亦作避音

璧假

古雅反不汙於俱反楹盈音刻音克桷音角獻捷在妾反懲惡直升反所傳

直專反錯綜宗宋反為斷丁亂反條貫古亂反而去起呂反子駿音俊創通初亮反

亦復扶又反以見賢遍反比其毗志反譜本又作謚同布古反歷數所具反後不音者皆

同黜勅律反危行下孟反言孫音遜本亦作遜不出如字又尺遂反矣夫音扶下若夫同瑞垂偽反

其應應對之應之祚才路反胤以刃反不隊直類反成王如字又于况反周正音政讀者多音征後

皆放此通論力頓反近誣如字舊音附近之近誣音無小邾張俱反射音亦袂音世拭音式

後序申抒時汝反又直呂反汲郡音急簡編必仙反又千反下同科斗音苦禾反彖吐亂反繫

戶計殤叔音傷大歲音泰周赧王女版反齊湣王亡謹反一音亡巾反足見賢遍反儀父

甫守于手又及本亦作狩鼎按今本亦狩數所主反洞大弄反一音童為洞古熒反又音螢又音迴熒澤

螢之齷音魚輦反又音言一音彥仲壬而林反亳步博反大甲音泰中分並如字又丁仲反而相

息亮反老叟素口反昏忘亡亮反為其于偽反粗有才故反又音鹿

下同

杜預略傳

杜預字元凱京兆杜陵人也祖畿魏尚書僕射父恕幽州刺

史預博學多通明於興廢之道常言德不可以企及立功立

言可庶幾也初其父與宣帝不相能遂以幽死故預久不得

調文帝嗣立預尚帝妹高陸公主起家拜尚書郎襲祖爵豐

樂亭侯在職四年轉參相府軍事鍾會伐蜀以預為鎮西長

史及會及察佐並遇害唯預以智獲免增邑千一百三十戶

與車騎將軍賈充等定律令既成預為之注解乃奏之曰法

者蓋繩墨之斷例非窮理盡性之書也故文約而例直聽省

恕征北將軍程喜有隙喜劾奏恕免為庶人徒章武郡卒

去疑知訛

而禁簡例直易見禁簡難犯易見則人知所避難犯則幾於刑厝刑之本在於簡直故必審名分審名分者必忍小理古之刑書銘之鐘鼎鑄之金石所以遠塞異端使無滯巧也今所注皆網羅法意格之以名分使用之者執名例以審趣舍伸繩墨之直去析薪之理也詔班于天下恭始中守河南尹預以京師王化之始自近及遠凡所施論務崇大體受詔為黜陟之課司隸校尉石鑿以宿憾奏預免職時虜寇隴右以預為安西軍司給兵三百人騎百匹到長安更除秦州刺史領東羌校尉輕車將軍假節屬虜兵強盛石鑿時為安西將

軍使預出兵擊之預以虜乘勝馬肥而官軍懸乏宜并力大運須春進討陳五不可四不須鑿大怒復奏預擅飾城門官舍稽乏軍興遣御史檻車徵請廷尉以預尚王在八議以侯贖論其後隴右之事卒如預策是時朝廷皆以預明於籌略會匈奴帥劉猛舉兵反自并州西及河東平陽詔預以散侯定計省闕俄拜度支尚書預乃奏立籍田建安邊論處軍國之要又作人排新器興常平倉定穀價較鹽運制課調內以利國外以救邊者五十餘條皆納焉元皇后梓宮將遷於峻陽陵舊制既葬帝及群臣即吉尚書奏皇太子亦宜釋服預

疏云今者水災東南尤劇宜救兗豫等州留漢氏備陂以蓄水餘皆决漑

議皇太子宜復古典以諒闇終制從之預以時曆差舛不應
畧度奏上二元乾度歷行於世預又以孟津渡險有覆沒之
患請建河橋于富平津議者以為殷周所都歷聖賢而不作
者必不可立故也預曰造舟為梁則河橋之謂也及橋成帝
從百僚臨會舉觴屬預曰非君此橋不立也對曰非陛下之
明臣亦不得施其微巧周廟歌器至漢東京猶在御坐漢末
喪亂不復存形制遂絕預創意造成奏上之帝甚嘉歎焉咸
寧四年秋大霖雨蝗蟲起預上疏多陳農要事在食貨志預
在內七年損益萬機不可勝數朝野稱美號曰杜武庫言其

令饑者得魚菜螺蚌之饒此目下日給之益也水去之後填淤之田畝收數鍾此又明年之益也與牧種牛有四五千餘頭可給民使耕種責其租稅此又數年後之益也

無所不有也時帝容存滅吳之計而朝議多違唯預羊祜張
華與帝意合祜病舉預自代因以本官假節行平東將軍領
征南軍司及祜卒拜鎮南大將軍都督荊州諸軍事給追鋒
車第二駟馬預既至鎮繕兵甲耀威武乃簡精銳襲吳西陵
督張政大破之以功增封三百六十五戶政吳之名將也據
要害之地耻以無備取敗不以所喪之實告于孫皓預欲間
吳邊將乃表還其所獲之衆於皓皓果召政遣武昌監劉憲
代之故大軍臨至使其將帥移易以成傾蕩之勢預處分既
定乃啓請伐吳之期帝報待明年方欲大舉預表陳至計曰

自閏月以來賊但勅嚴下無兵上以理勢推之賊之窮計力
不兩完必先認上流勒保夏口以東以延視息無緣多兵西
上空其國都而陛下過聽使用委棄大計縱敵患生此誠國
之遠圖使舉而有敗勿舉可也事為之制務從完牢若或有
成則開太平之基不成不過費損日月之間何惜而不一試
之若當須後年天時人事不得如常臣恐其更難也陛下宿
議分命臣等隨界分進其所禁持東西同符萬安之舉未有
傾敗之慮臣心實了不敢以曖昧之見自取後累惟陛下察
之預旬月之中又上表曰羊祜與朝臣多不同不先博議而

當疑尚訛

鋒當作蜂蜂起見
項羽紀

密與陛下共施此計故益令多異凡事當以利害相較今此
舉十有八九利其一二止於無功耳其言破敗之形亦不可
得直是計不出己功不在身各耻其前言故守之也自頃朝
廷事無大小異意鋒起雖人心不同亦由恃恩不慮後難故
輕相同異也昔漢宣帝議趙充國所上事效之後詰責諸議
者皆叩頭而謝以塞異端也自秋已來討賊之形頗露若今
中止孫皓怖而生計或徙都武昌更完脩江南諸城遠其居
人城不可攻野無所掠積大船於夏口則明年之計或無所
及時帝與中書令張華圍碁而預表適至華推枰歛手曰陛

下聖明神武朝野清晏國富兵強號令如一吳主荒淫驕虐
誅殺賢能當今討之可不勞而定帝乃許之預以太康元年
正月陳兵于江陵遣參軍樊顯尹林邵圭襄陽太守周竒等
率衆循江西上授以節度旬日之間累尅城邑皆如預策焉
又遣牙門管定周旨伍巢等率竒兵八百泛舟夜渡以襲樂
鄉多張旗幟起火巴山出於要害之地以奪賊心吳都督孫
歆震恐與伍延書曰北來諸軍乃飛渡江也吳之男女降者
萬餘口旨巢等伏兵樂鄉城外歆遣軍出拒王濬大敗而還
旨等發伏兵隨歆軍而入歆不覺直至帳下虜歆而還故軍

中爲之謠曰以計代戰一當萬於是進逼江陵吳督將伍延
僞請降而列兵登陴預攻尅之既平上流於是沅湘以南至
于交廣吳之州郡皆望風歸命奉送印綬預仗節稱詔而綏
撫之凡所斬及生獲吳都督監軍十四牙門郡守自二十餘
人又因兵威徙將士屯戍之家以實江北南郡故地各樹之
長吏荆土肅然吳人赴者如歸矣王濬先列土得孫歆頭預
後生送歆洛中以爲大笑時衆軍會議或曰百年之寇未可
盡尅今向暑水潦方降疾疫將起宜俟來冬更爲大舉預曰
昔樂毅藉濟西一戰以并強齊今兵威已振譬如破竹數節

之後皆迎刃而解無復著手處也遂指授群帥徑進秣陵所
過城邑莫不束手議者乃以書謝之孫皓既平振旅凱入以
功進爵當陽縣侯增邑并前九千六百戶封子耽為亭侯千
戶賜絹八千疋預既還鎮累陳家世吏職武非其功請退不
許預以天下雖安忘戰必危勤於講武脩立泮宮江漢懷德
化被萬里攻破山夷錯置屯營分據要害之地以固維持之
勢又脩邵信臣遺跡激用澧涓諸水以浸原田萬餘頃分疆
刊石使有定分公私同利衆庶賴之號曰杜父舊水道唯沔
漢達江陵千數百里北無通路又巴丘湖沅湘之會表裏山

川實爲險固荆蠻之所恃也預乃開楊口起夏水達巴陵千
餘里內瀉長江之險外通零桂之漕南土歌之曰後世無叛
由杜翁孰識智名與勇功預公家之事知無不爲凡所興造
必考度始終鮮有敗事或譏其意碎者預曰禹稷之功期於
濟世所庶幾也預身不跨馬射不穿札而每任大事輒居將
率之列結交接物恭而有禮問無所隱誨人不倦敏於事而
慎於言既立功之後從容無事乃耽思經籍爲春秋左氏經
傳集解又參攷衆家譜第謂之釋例又作盟會圖春秋長歷
備成一家之學比老乃成又撰女記讚當時論者謂預文義

質直世人未之重唯秘書監摯虞賞之曰左丘明本為春秋
作傳而左傳遂自孤行釋例本為傳設而所發明何但左傳
故亦孤行時王濟解相馬又甚愛之而和嶠頗聚斂預常稱
濟有馬癖嶠有錢癖武帝聞之謂預曰卿有何癖對曰臣有
左傳癖其後徵為司隸校尉加位特進行次鄧縣而卒時年
六十三帝甚嗟悼追贈征南大將軍開府儀同三司謚曰成
遺令薄葬子錫嗣

春秋左氏傳校本第一

隱公元年盡十二年

晉 杜氏 集解
唐 陸氏 音義

尾張 秦 鼎 校本

隱公 名息姑惠公之子母聲

傳惠公元妃孟子 言元妃明始適夫人也子來姓

丁歷反 孟子卒 死不得從夫謚也無謚先夫繼室

以聲子生隱公 聲蓋也蓋孟子之姪婦也諸侯始

則次妃攝治內事猶不得稱夫人故謂之繼室

按名息姑以下陸氏所加下倣此此傳字下經字皆杜所題後倣此元始也長也兼始適而義適又作嫡妃匹也名通嫡妾孟長也不成喪謂不告於諸侯也定十五年姒氏卒傳曰不成喪是也婦人無諡有之者妾也諸侯娶則同姓之二國媵之夫人媵各有姪婦故一娶九女也諸侯無重娶之禮元妃死夫人之姪婦與

隱元年

左傳本卷一

二賤皆可以繼室

按繼室字見襄廿三年及昭三年魯夫人三字是手文

此文必非隸書我指魯此類皆同意

以桓生之年薨則弑隱之時桓年十

二故知其不然杜言此者欲明桓未

娶之前已有長庚故慶父氏曰孟也

事見莊二年正是時王所建故

以王字冠之皆是今王之正月林註

孔子因魯史作春秋故以魯紀年而

宋武公生仲子仲子生而有文在其手曰為魯夫

人故仲子歸于我婦人謂嫁曰歸以手理自然成

日字此依公羊傳生桓公而惠公薨

不以相生是以隱公立而奉之隱公繼室之子當

追成父志為桓尚少是以立為天子帥國人奉之

為經元年春不書即位傳禎音貞為桓于偽反

經元年春王正月隱公之始年周王之正月也凡

朝廟告朔也告朔朝正例在襄二十九年即位例

在隱莊閔僖元年三月公及邾儀父盟于蔑附庸

書王正月見周之

正朔猶行天下也

或云本註即位例

上脫不書二字在

隱之隱行按此公

經註舉此公名引

例亦見文四年

及與也自此及彼

也凡盟殺牲者若

有背違欲令神罰

之如此姓也

不合於天子附於

諸侯曰附庸齊盟

結好非附庸所能

未王命例稱名能自通于大國繼好息民故書字

貴之名例在莊五年邾今魯國鄒縣也蔑姑蔑魯

地魯國下縣南有夏五月鄭伯克段于鄆不稱國

姑城○蔑亡結反鄭伯譏失教也段不弟故不言弟明鄭伯雖失教

而段亦凶逆以君討臣而用二君之例者言段強

大僨傑據大都以耦國所謂得雋曰克也國討例

在莊二十二年得雋例在莊十一年毋弟例在宣

十七年鄭在滎陽宛陵縣西南鄆今潁川鄆陵

縣○段徒亂反鄆於晚反又於建反又於然反秋

七月天王使宰咺來歸惠公仲子之賵宰官咺名

不及尸弔生不及哀豫凶事故賵而名之此天子

大夫稱字之例仲子者桓公之母婦人無諡故以

字配姓來者自外之文歸者不九月及宋人盟于

宿客主無名皆微者也宿小國東平無鹽縣也凡

左傳本卷一

一

也今稱鄭伯是君自殺弟也克謂戰勝獲賊戰敗克取兩國之文 秋文云榮戶肩及本或作榮非按是傳寫互錯也秋例皆作榮 贈者助喪之物車馬曰贈微者言非卿也 紫國名以為盟地者國主亦與在其中 不稱天王使祭伯來聘故知其自來 按此傳有此例註謂之傳例公穀二傳以日月立例唯左氏否寄文謂假

梁國睢陽縣 ○ 冬十有一月祭伯來 祭伯諸侯音預下同 音雖 祭國伯爵也傳曰非王命也釋者祭國伯爵也傳曰非王命也釋其不稱使 ○ 祭例界及傳祭仲同 公子益師卒 傳例曰小歛故不書日所以示薄厚也春秋不以日月為例唯卿佐之喪獨託日以見義者事之得失既未足以褒貶人君然亦非死者之罪無辭可以寄文而人臣輕賤死日可累故特假日以見義 ○ 斂力驗及見賢遍反下同 傳元年春王周正月 言周以別夏殷 ○ 別彼列反 求 不書即位攝也 假攝君政不脩即位之禮故史不書於策傳所以見異於常 ○ 見賢 三月公及邾儀父盟于蔑邾子克也 克儀齊桓以獎王室王命以為邾子故莊十六年經書邾子克卒 ○ 故不書爵一本無故字 將丈反 王命故不書爵曰儀父貴之也 王未賜命以為諸侯其後儀父服事 遍反 邾子克卒 ○ 故不書爵一本無故字 將丈反

一字以見褒貶義也人臣對君為輕賤故其死日可略且事無辭於為勸戒故於此一條立例餘則否故無傳也 或云王周一字連讀猶後言皇漢授訓持也以相尚火且揚持國政待其年長也林註名賤字貴今書字故知貴之 姚評 齊父之邑費讀如字此季氏費邑讀日秘者異魏武封費亭侯即此鄂侯事見六年 武姜

公攝位而欲求好於邾故為蔑之盟 解所以與盟也 ○ 好呼報 夏四月費伯帥師城郎不書非公命也 費伯魯魯邑高平方與縣東南有郁郎亭傳曰君舉必書然則史之策書皆君命也今不書於經亦因史之舊法故傳釋之 諸魯事傳釋不書 他皆放此 ○ 費音祕 初鄭武公娶于申曰武姜 申國今南陽宛縣 ○ 宛於元反 生莊公及共叔段 段出故曰共叔 猶晉侯在鄂 謂之鄂侯 ○ 因音恭地名 莊公寤生驚姜氏故名曰寤生遂惡之 寤寤而莊公已生故驚而惡 愛共叔段欲立之 欲立以 為太子 亟請於武公公弗許及莊公即位為之請制公曰制巖邑也虢叔死焉他邑唯

孫生莊公至寤始覺其生按史記云生之難應劭云見墮地能開目視者參存鄭語龍叔恃勢節仲恃險皆有驕慢之心以成周之衆奉辭伐罪無不克矣天子之城九里禮降殺以二則知公七里侯伯五里子男三里里三百步步六尺也計五里積千五百步即九百丈也以九百丈為三百雉則雉長三丈馮氏云左氏最多

命魏叔東號君也特制嚴險而不脩德鄭滅之恐復然故開以他邑魏國今榮陽縣○國欺冀反數也為于偽反請京使居之謂之京城大叔言寵異於衆祭仲曰都城過百雉國之害也祭仲鄭大夫方丈曰堵三丈高一丈侯伯之城方五里徑二百雉故其大都不得過百雉○長直亮反又如字高古報反又如先王之制大都不過參國之一三分國城之一○參七南反又中五之一小九之一今京不度非制也不合法度非先王制君將不堪公曰姜氏欲之焉辟害對曰姜氏何厭之有不如早為之所使得其所宜○焉於虔反○屬於鹽反無使滋蔓蔓難圖也蔓草猶不可除况君之寵弟乎公曰多行不義必自斃子姑待之斃暗也姑且也既而大叔命西鄙北鄙貳於己鄙鄭邊邑公子呂曰國不堪貳君將若之何鄭大夫欲與大叔臣請事之若弗與則請除之無生民心叔久不除則舉國之民當生他心公曰無庸將自及言無用除之大叔又收貳以為己邑前兩屬者今皆取以為己邑至于廩延言轉侵多也廩延鄭邑陳留酸棗縣北有延津○廩子封曰可矣厚將得衆子封公子呂也厚謂上地廣大公曰不義不暱厚將崩不義於君不親於兄非衆所附雖厚必崩○暱女乙

一字句法或云稱母曰姜氏非人子之言意是左氏口語耳非有意也疏草之滋長引蔓則難芟除按蔓草籠對語猶晉劉翽云蔓草猶宜早除况冠雉采一說蔓句草猶不可除句不必從兩屬賦役倍則國人不堪也高大壞曰崩喻牆屋厚而無基必崩也按哀廿六年云重而無基能無敝乎公伐諸

一字句法或云稱母曰姜氏非人子之言意是左氏口語耳非有意也疏草之滋長引蔓則難芟除按蔓草籠對語猶晉劉翽云蔓草猶宜早除况冠雉采一說蔓句草猶不可除句不必從兩屬賦役倍則國人不堪也高大壞曰崩喻牆屋厚而無基必崩也按哀廿六年云重而無基能無敝乎公伐諸

鄆段即奔共既不
交戰亦不獲段而
以克爲文者此非
夫子之心謂是鄭
伯本志在於殺不
欲言其出奔按此
與襄元年謂之宋
志同養成其惡是
鄭志也不欲言出
奔亦是鄭志也故
以鄭志句置在中
間經世鈔云鄭志
四字文意連上帶
下難猶思也疏夫
子未脩之前舊史
應云鄭伯之弟段
出奔共按疏以養
成惡爲非鄭伯志

及親也大叔完聚完城郭聚人繕甲兵具卒乘步曰車
其期曰可矣命子封帥車二百乘以伐京古者兵
甲士三人步卒七十二人京叛大叔段段入于鄆公伐諸鄆五
月辛丑大叔出奔共共國今汲郡共書曰鄭伯克
段于鄆段不弟故不言弟如二君故曰克稱鄭伯
譏失教也謂之鄭志不言出奔難之也傳言夫子
舊史以明義不早爲之所而養成其惡故曰失教
段實出奔而以克爲文明鄭伯志在於殺難言其
奔乃且反遂寘姜氏于城賴城賴鄭地而誓之曰

以駭服虔恐非
附注難之如字

按城賴許州臨潁
縣潁水出陽城之
潁谷實納之也
猶言幽之也林云
不及黃泉此言不
但絕母且杜諫臣
之口姜氏在考叔
治內故知其困苦
是以爲之諫也小
人有母諷刺語
補正尔雅肉謂之
羹羹亦礼食不獨
賜賤官杜引華元
不必元事見宣二
年按賦者或造篇
或誦古此自賦也

不及黃泉無相見也地中之泉既而悔之賴考叔
爲賴谷封人封人典聞之有獻於公公賜之食食
舍肉公問之對曰小人有母皆嘗小人之食矣未
嘗君之羹請以遺之食而不啜羹欲以發問也宋
賤官之常舍音捨遺公曰爾有母遺繫我獨無
唯季及下同垂戶化反繫語助繫烏賴考叔曰敢問何謂也據武姜在
今反又烏帝反設疑也公語之故且告之悔對曰君何患焉若闕地及泉
隧而相見其誰曰不然隧若今延道公
從之公入而賦大隧之中其樂也融融賦詩也

疏中融外泄各自也○樂音姜出而賦大隧之外其樂也洩洩洩洩寄散
 為韻蓋所賦之詩洛下同○洩遂為母子如初君子曰賴考叔純孝也猶純
 之也公入姜出亦羊世反也也愛其母施及莊公詩曰孝子不匱永錫爾類其
 互言之也毛詩註以類為子孫族類今為事之般類按成二年傳註孝心
 不之者又能以孝道長賜其志類不以文害意孟子文皆不足利本宋板
 等作不皆緩則惠公是王過唯知仲子未薨猶尚致贈是辱命之使王者
 馭天下車同軌書同文此謂海內遣

是之謂乎不以匱純孝也莊公雖失之於初孝心不
 之之作各以情言君子論之不以文害意故春秋傳引詩皆不與今說詩者同他皆放此○施以政反
 又式智反秋七月天王使宰咺來歸惠公仲子之
 賈其位反
 贈緩且子氏未薨故名惠公葬在春秋前故曰緩也子氏仲子也薨在二年
 贈助喪之物天子七月而葬同軌畢至言同軌以別四夷之國○別彼
 列諸侯五月同盟至同在方大夫三月同位至古者

便也至使來也下同軌車轍也天子巡守柴望既畢諸侯遂朝退相共盟謂之同盟大夫待同列自他國歸故三月也踰月死月至葬月其間度一月也與大夫月數同也與鄭云大夫數來月上數往月異尚書大傳亮信也陰默也陰默而不言也按杜短喪之說每於註中見之後人多議之隱十一衍隱字詳上敗必邁反非詳下

行役不士踰月外姻至踰月度月也姻猶親也此踰時為葬贈死不及尸尸未葬之通稱弔生不及哀諸節葬贈死不及尸稱尺證反弔生不及哀諸節
 已上既葬則縗麻除無哭位諒闇終喪○日豫凶時掌及纒七雷反諒音亮又音良圖如字
 事非禮也仲子在而來贈八月紀人伐夷夷不告故不書夷國在城陽莊武縣紀國在東莞劇縣隱十一年傳例曰凡諸侯有命告則書不然則不書史不書於策故夫子亦不書於經傳見其事以明春秋例也他皆放此○匱音官有蜚不為災亦不書蜚負螫也莊二十九年傳例曰凡物不為災不書又於此發之者明傳之所據非唯史策兼采簡牘之記他皆放此○匱扶味反螫音煩惠公之季年敗宋師于黃黃宋邑陳留外黃縣東有黃城○敗必邁反敗他也後放此公立而求

命者國之大事政令也告則書之不告則不得記典策疏其負盤也夏蟲害入南方淫女之氣所化也馮氏曰春秋之始記惠之季年未記悼之四年見世系有源也全部大應隱公將兵禦宋委葬事於太子故有闕也昭世年傳云先王之制諸侯之喪士用大夫送葬昭三年傳稱文襄之霸君薨大夫弔卿供葬事隱不為喪主

成焉九月及宋人盟于宿始通也經無義例故傳直言其歸趣而

冬十月庚申改葬惠公公弗臨故不書已他皆放此

天子少葬故有闕是以改葬為天子故隱公讓而不敢為喪主隱攝君政故據隱而言惠公之薨也有宋師

見公亦不書諸侯會葬非禮也不得接公成禮故不書於策他皆放此衛國在汲郡朝

鄭共叔之亂公孫滑出奔衛公孫滑共叔

衛人為之伐鄭取廩延鄭人以王師號平八反又

師伐衛南鄙號西號國也弘農陝縣東南有號城請師

於邾邾子使私於公子豫公子豫魯大夫私請師豫請

故不與衛侯接見林註記二事以見大夫擅命之端按三見併上費伯城即言之也

往公弗許遂行及邾人鄭人盟於翼翼邾地不書非

公命也新作南門不書亦非公命也非公命不書

十二月祭伯來非王命也衆父卒衆父祭伯

公不與小斂故不書日禮卿佐之喪小斂為文至於但臨大斂及不臨其喪亦同不書日

臨之崇恩厚也始死情之所篤禮之所崇故以小斂為文至於但臨大斂及不臨其喪亦同不書日

二年春公會戎于潛戎狄夷蠻皆氏羗之別種也戎而書會者順其俗以

為禮皆謂居中國若戎子駒支者陳留濟陽縣東南有戎城潛魯地

夏五月莒人入向向小國也

向小國也譙國龍亢

水名凡地名皆同

夏五月莒人入向

譙國龍亢

水名凡地名皆同

人向女曰向姜息之夫人陳女曰息

也○復扶九月紀裂繻來逆女卿為君逆也○為

婦名稱不一

反冬紀子帛莒子盟于密魯故也鄭人伐衛討公

按無駭得輒入極

孫滑之亂也治元年取以姜氏還附法還如

者以夸父前有勝

經三年春王二月己巳日有食之無傳日行遲一

有物來食之也不

疾一月一周天一歲凡十二交會然日月動物雖

言日被月食者以

行度有大有量不能不小有盈縮故有雖交會而不

其不可見作不知

食者或有頻交而食者唯正陽之月君子忌之故

之緯每月月逐日

有伐鼓用幣之事今釋例以長歷推經傳明此食

九十二會此至哀

是二月朔也不書朔史失之書朔日例在桓十七

廿七年積二百五

年○巴巴上音紀下音祀後倣此食如字本或作

十五年九三千一

蝕音同暈音

百五十四月唯卅

三月庚戌天王崩周平王也實以壬

七食是雖交而不

亮音同暈音所六反

食也襄廿一年九

至故遠日以赴春秋不書實崩日而書遠日者即

年七月八月頻食

傳其偽以懲創臣子之過也襄二十九年傳曰鄭

按日有食之四字

上卿有事使印段如周會葬今不書

曆家常語謂夫子

葬魯不會○即傳直專反印因刃反

創之者非矣詩已

君氏卒隱不敢從正君之禮故秋武氏子來求賻

有之平王崩植

武氏子天子大夫之嗣也平王喪在殯新王未得

王林立君氏者

行其爵命聽於冢宰故傳曰王未葬釋其所以稱

君之母氏也母子

父族又不稱使也魯不共奉王喪致令有求經直

異族故呼母舅為

文以示不敬故傳不復具釋也○賻音附共音茶

母氏舅氏天子大

八月庚辰宋公和卒稱卒者略外以別內也元年

夫稱字又不應繫

七年別冬十有二月齊侯鄭伯盟于石門來告故

之父族謂之為子

必列反

明是大夫之子此

齊地或曰濟北盧縣

人既除喪宜嗣父

故城西南濟水之門

位但新王居喪故

突未葬宋穆公夫會葬故書

無爵位穆公卒

始死書卒史在國承赴為君故惡其薨名改赴書

殤公與夷立此特

也書葬則舉謚稱公者會葬者在外據彼國之辭

相盟之始卿行書

也書葬例在昭六年○

名此無名故知大

為于偽反惡鳥路反

夫往書薨則與已

君同故惡之至書葬則舉諡稱公者公羊云從彼臣子之辭皆稱為公也禮赴乃稱薨附乃稱夫人反哭乃書葬薨者夫人之死號小君者夫人之別號不稱夫人必不得稱薨也又不得稱小君也附姑赴同夫人之禮也二若闕乃去夫人果行一事則稱夫人稱夫人則書薨書薨則必稱小君所異者不反哭則不書葬正寢即殯

傳三年春王三月壬戌平王崩赴以庚戌故書之夏君氏卒聲子也不赴于諸侯不反哭于寢不祔于姑故不曰薨不稱夫人故不言葬夫人喪禮有三薨則赴於同盟之國一也既葬日中自墓反虞於正寢所謂反哭于寢二也卒哭而祔於祖姑三也若此則書曰夫人某氏薨葬我小君某氏此備禮之文也其或不赴不祔則為不成喪故死不稱夫人薨葬不言葬我小君某氏反哭則書葬不反哭則不書葬今聲子三禮皆闕釋例論之詳矣○附音附不書姓為公故曰君氏不書姓辟正夫人也隱見為君故特書於經稱曰君氏以鄭武公莊公為平王卿士卿士王卿之執政者鄭伯怨王王曰無之故周直遙反復扶又反任而鄭伯怨王王曰無之故周鄭交質王子狐為質於鄭鄭公子忽為質於周狐平王子○質音胡王崩周人將界虢公政周人遂致下同狐音胡四月鄭祭足帥師取溫之麥秋又取成周之禾四月今二月也秋今之夏也麥禾皆未熟言取者蓋踐之溫今河內溫縣成周洛陽縣也○祭疾惡周鄭交惡疾惡疾惡君子曰信不由中實無益也明怨而行要之以禮雖無有實誰能間之苟有明信澗谿沼沚之毛澗亦澗也沼池也沚小渚也毛草也蘩蘩蕒藻之菜蘩大萍也蘩皤蒿蕒藻聚藻也○蘩紆粉反蒲蒲丁

官也辟正夫人謂辭仲子也按鄭武以下屬附錄土事也林云貳怨皆在心上看出為不由中立按周鄭並稱尊卑無分王子公子見非薄物之比附法取芟獲也非踐傳本采舊史為文不皆齊同先儒謂雜用夏正是宜再論林注惡字無音推杜注當作鳥去今從之信不由中汎言兩國結交不必周鄭明則此心相知怨則不遙反

○要於蘩蘩蕒藻之菜

貴其不及要約也爾雅說文皆云山夾水澗山澗無所通谿毛見云蓋亦水草名附注管曲方反錦魚綺反行道也行潦道路之水備品物曰蔑致滋味乃為羞按此君子亦汎言上所言未及行葦今言之者其意別取忠厚非以縉上也行葦忠厚見詩序屬託也託之使立為君孤寡不穀諸侯謙稱林注倚賴汝大夫之威靈保

及籩蒲多方曰籩圓曰簋無足曰筐管錡釜之器釜有足曰錡○籩丘方

及管九呂反錡其潢汗行潦之水潢汗渟水行潦

鳥音可薦於鬼神可羞於王公也羞進而況君子結

二國之信行之以禮又焉用質通言盟約彼此之

於虔風有采蘩采蘋采蘩采蘋詩國風雅有行葦

洞酌詩大雅也行葦篇義取忠厚也洞酌篇昭忠

信也明有忠信之行雖薄物武氏子來求賻王未

葬也宋穆公疾召大司馬孔父而屬殤公焉曰先

君舍與夷而立寡人先君穆公兄宣公也與夷宣

全首領而善終蓋謙稱先君地下問何以區處其夷無所愧悔我棄遜謙之德不授其夷是廢先君舉賢之意也按命義謂遜國之命出於義也宣公知人命弟以義其子卒享其福贊宣所以贊穆也或以義屬穆公非也蓋公卒以馮之爭為宣禍之故杜解之云云夫宣之立穆穆之屬殤皆為盛德事凶終者皆在後人孫氏云

及殤舒羊反音寡人弗敢忘若以大夫之靈得

保首領以沒先君若問與夷其將何辭以對請子

奉之以主社稷寡人雖死亦無悔焉對曰群臣願

奉馮也馮穆公子莊公公曰不可先君以寡人為

賢使主社稷若弃德不讓是廢先君之舉也豈曰

能賢言口不讓則光昭先君之令德可不務乎吾子

其無廢先君之功先君以舉賢為功使公子馮出

居於鄭辟殤八月庚辰宋穆公卒殤公即位君子

曰宋宣公可謂知人矣立穆公其子饗之命以義

或罪二君雖推也

始恐非春秋忠怨

之旨據父則云使

之出居據馮則云

忿而出奔各言其

實也

按尋重也見哀十

二年注疏諸音尋

盟者皆以前盟已

寒更溫之使熱溫

夫命出於義也夫商頌曰殷受命咸宜百祿是荷

其是之謂乎詩頌言殷湯武丁受命皆以義故任

受此命宜荷此祿天子馮不帥父義忿而出奔因

鄭以求入終傷成宜之福故知人之稱唯在宣公

也殷禮有兄弟相及不必傳子孫宋其後也

故指稱商頌○荷河可反又音何稱尺證反冬齊

鄭盟于石門尋盧之盟也盧盟在春秋前盧齊

伯之車償于濟既盟而遇大風傳記異也十二月

衛莊公娶于齊東宮得臣之妹曰莊姜得臣齊大

子也大夫在東此賦謂自作詩也

說見前衛莊在此春秋前事因桓公弑

終以無子國人憂之○爲于僞反又娶于陳曰厲

嬀生孝伯早死○陳今陳國陳縣其姊戴嬀生桓公

莊姜以爲己子○嬀陳姓也厲戴皆謚雖爲公子州

吁嬀人之子也○嬀親幸也○吁沉于反嬀有寵而

好兵公弗禁莊姜惡之石碻諫曰臣聞愛子教之

以義方○石碻衛大夫弗納於邪騎奢淫泆所自邪

也四者之來寵祿過也將立州吁乃定之矣若猶

未也階之爲禍○州吁必緣寵而爲禍○因音逸

夫寵而不驕驕而能降降而不憾憾而能矜者鮮

矣○如此者少也降其身則必恨恨則思亂不能自

安自重○憾胡暗反矜之忍反重也鮮息淺反

而追言之桓立在

春秋前十二年此

屬附錄附錄不每

傳舉示之下彼之

義方方向也或云

守而不易如方隅

然林法義以方外

是也

自由也此四者邪

之所從來也

說文矜目有所限

而止也故訓重不

能自重其身也鮮

訓少以一鮮摠四

事言四事皆鮮也

妨謂有所害陵謂

加尚之間謂居其

間使彼此疏遠也

加亦加陵破謂破

一說小大亦以班

云州吁於六逆則

賤妨貴少陵長於

六順則第不敬此

所謂去順效逆非

謂州吁皆犯之也

附注比一知字是

矣食貨志法比注

比例也亦有兩音

先經始事說已見

杜序

林注此伐國取邑

之始

桓公弑弟宣公立

曲礼云諸侯未及

期相見曰遇林註

此諸侯會伐之始

胡傳首謀在衛而

以宋主兵何也宋

殤不恤衛有弑君

之難欲定州吁而

从其邪說也林註

於是齊鄭一黨也

且夫賤妨貴少陵長遠間親新聞舊小加大小國而加

兵於大國如息侯伐鄭之比妨音芳詩照反長丁丈反間問廁之間下同必二反淫破

義所謂六逆也君義臣行父慈子孝兄愛弟敬所

謂六順也臣行君去順效逆所以速禍也君人者

將禍是務去而速之無乃不可乎弗聽其子厚與

州吁游禁之不可桓公立乃老老致仕也四年經

傳先經以始事因起呂反先悉薦反

經四年春王二月莒人伐杞取牟婁無傳書取言

十三年杞國本都陳留雍丘縣推尋事跡桓六年

淳于公亡國杞似并之遷都淳于儔十四年又遷

緣陵襄二十九年晉人城杞之淳于杞又遷都淳

于牟婁杞邑城陽諸縣東北有婁鄉杞音起牟

亡侯反易以政戊申衛州吁弑其君完稱臣弑君

及翻於用反臣之罪也例在宣四年戊申三月

夏公及宋公遇于清遇者之期二國各簡其禮若道路相逢

遇也清衛邑齊北東阿縣有清亭宋公陳侯蔡人

衛人伐鄭秋聲帥師會宋公陳侯蔡人衛人伐鄭

公子翬魯大夫不稱公子疾其固請強君以不義

也諸外大夫皆稱人至於內大夫則皆去族

稱名於記事之體他國可言某人而已國之卿佐

不得言魯人此所以為異也翬溺去族傳曰疾之

叔孫豹則曰言違命此其例也圍許歸九月衛

人殺州吁于濮州吁弑君而立未列於會故不稱

君例在成十六年濮陳地水名○

君列諸會矣曹人之辭即是成例也凡去其國國逆而立之曰入此公子晉去衛居邢衛人迎而斗之於法正當責人

音冬十有二月衛人立晉衛人逆公子晉而立之善其得衆故不書義例在成十八年

因衛亂而簡其礼以相見蓋不欲久居衛地而徑去也按脩猶報也

傳四年春衛州吁弒桓公而立公與宋公為會將

按纂立云云又見宣元年傳註補正杜謂春秋時事情有此耳非義理當然也賦兵賦也

尋宿之盟未及期衛人來告亂夏公及宋公遇于

按纂立云云又見宣元年傳註補正杜謂春秋時事情有此耳非義理當然也賦兵賦也

清宿盟在宋殤公之即位也公子馮出奔鄭鄭人

按纂立云云又見宣元年傳註補正杜謂春秋時事情有此耳非義理當然也賦兵賦也

欲納之及衛州吁立將脩先君之怨於鄭鄭人伐

按纂立云云又見宣元年傳註補正杜謂春秋時事情有此耳非義理當然也賦兵賦也

而求寵於諸侯以和其民與之會則不復討

按纂立云云又見宣元年傳註補正杜謂春秋時事情有此耳非義理當然也賦兵賦也

使告於宋曰君若伐鄭以除君害公子馮

按纂立云云又見宣元年傳註補正杜謂春秋時事情有此耳非義理當然也賦兵賦也

君為主敝邑以賦與陳蔡從則衛國之願也言舉國之

按於是於此時也

賦調才用宋人許之於是陳蔡方睦於衛蔡

按於是於此時也

故宋公陳侯蔡人衛人伐鄭圍其東門五

按於是於此時也

日而還公問於衆仲曰衛州吁其戍乎衆仲對

按於是於此時也

曰臣聞以德和民不聞以亂而安以亂猶治

按於是於此時也

絲而禁之也夫州吁阻兵而

按於是於此時也

安忍阻兵無衆安忍無親衆叛親離難以濟矣

按於是於此時也

夫兵猶火也弗戢將自焚

按於是於此時也

也夫州吁弒其君而虐用其民於是乎不務令德

按於是於此時也

而欲以亂成必不免矣秋諸侯復伐鄭宋

成成爲君也按僖九年傳曰夷吾其定乎林註禁猶紛也治絲之道以和緩爲先若禁之益見亂而難治按阻恃也秦本紀云阻法度之威忍殘忍也凡盟讐地爲方坎殺牲于坎上割牲左耳盛以珠槃尸盟者執之又取血盛以王敦用血爲

賦調才用反調徒弔反汝南上蔡縣故宋公陳侯蔡人衛人伐鄭圍其東門五日而還公問於衆仲曰衛州吁其戍乎衆仲對曰臣聞以德和民不聞以亂而安以亂猶治絲而禁之也絲見禁紛緼益所以亂而安於云久夫州吁阻兵而安忍阻兵無衆安忍無親衆叛親離難以濟矣則民殘民殘則衆叛安忍則刑過刑過則親離夫兵猶火也弗戢將自焚也夫州吁弒其君而虐用其民於是乎不務令德而欲以亂成必不免矣立反秋諸侯復伐鄭宋

盟書成乃歃血
詔書以告神坎其
狂加書于上而埋
之鼎云此盟事當
注上文今誤在此
再會諸侯伐鄭而
民猶未和故謀之
父也石子乃詒言
於王處行觀禮是
為可安按此時桓
公尚在遺呼其諡
蓋左氏追書之
大夫七十而致事
曰老夫
按敢下添請于者
蓋州吁雖告乱于
諸侯必不曰吾弑
而立其或曰不得

公使來乞師乞師不公辭之從衆仲羽父請以師
會之羽父公公弗許固請而行故書曰翬帥師疾
之也諸侯之師敗鄭徒兵取其禾而還時鄭不州
吁未能和其民厚問定君於石子石子石碯也以
父石子曰王覲為可曰何以得覲曰陳桓公方有
寵於王陳衛方睦若朝陳使請必可得也厚從州
吁如陳石碯使告于陳曰衛國徧小老夫耄矣無
能為也此二人者實弑寡君敢即圖之稱國小已
老自謙以委陳使陳人執之而請蒞于衛諸衛人
因其往就圖之自臨許

聯於是石碯告陳
云此二人實弑寡
君

九月衛人使右宰醜蒞殺州吁于濮石碯
使其宰孺羊肩蒞殺石厚于陳君子曰石碯純臣

林註仲君臣之大
義滅父子之私合
古語之義矣

也惡州吁而厚與焉大義滅親其是之謂乎子從
之賊國之大逆不可不除故曰大義滅親明義
則當兼子愛之徧奴侯及惡烏路及與焉音預

矢陳也使捕魚之
人陳設取魚之備

音刑書曰衛人立晉衆也

官廟初成祭之名
為考仲子立廟本
非正法喪服既終
將吉祭主無祭處
始議立之故晚成
也考之春設盛食

經五年春公矢魚于棠書陳魚以示非禮也書棠
夏四月葬衛桓公秋衛師入邲將衆
九月考仲子之宮初獻六羽成

以落之初獻明前
此用八佾之儻也
安安置也 凡舞
有于羽此不言干
者婦人舞但陳羽
舞也

林註此書圍之始
按魚作漁者乃後
人所加魚者取魚
者如草人獸人類
僖伯字子臧其孫
始得以王父字為
氏今加臧于僖伯
之上者以其為臧
氏之祖傳家追言
之也 言當為軌
為物納民於其中
也講書大事以準

子宮安其主而祭之惠公以仲子手文娶之欲以
為夫人諸侯無二嫡蓋隱公成父之志為別立宮
也公問羽數故書羽婦
人無謚因姓以名宮
無傳蟲食苗心
者為災故書
冬十有二月辛巳公子彊卒
夫

宋人伐鄭圍長葛
宋人伐鄭圍長葛
長社縣北
有長葛城

傳五年春公將如棠觀魚者臧僖伯諫曰凡物不
足以講大事
臧僖伯公子彊也備
其材不足以備
需用則君不舉焉
羽也需用軍國之器
君將納
民於軌物者也故講事以度軌量謂之軌取材以

章物采謂之物不軌不物謂之亂政亂政亟行所
以敗也
言需用衆物不入法度則為不軌不物亂
敗之所起○度待洛反一音如字國欺冀
反數故春蒐夏苗秋獮冬狩
蒐索擇取不彘者蒐
以殺為名嘽秋氣也狩圍守也冬物畢成獲
則取之無所擇也○蒐所求反獮息淺反
皆於
農隙以講事也
各隨時事之間
三年而治兵入而
振旅
雖四時講武猶復三年而大習出曰治兵始
治其事入曰振旅治兵禮畢整衆而還振整
也旅歸而飲至以數軍實
飲於廟以數軍徒器械
及所獲也○數所主反
昭文章
車服
旌旗
明貴賤辨等列
等列
行伍
順少長
出則少
還則在後所謂順
習威儀也鳥獸之肉不登於俎

度軌法度量取鳥
獸之材以章明物
色采飾事度軌量
正謂順時狩獵以
教習戎事也林章
物采正謂取其皮
革以脩造軍國器
物也按講事取材
俱九字句古時我
邦博士家讀亦然
令義解序等可徵
林註上五字句下
四字句亦通焉曰
以字貫下五句字
氏亦曰上承三句
下貫至習威儀
至歸至也歸自某
所而飲于廟也

昭文章
車服
旌旗
明貴賤辨等列
等列
行伍
順少長
出則少
還則在後所謂順
習威儀也鳥獸之肉不登於俎

林註在前趨敵之義在後殿師之義按皆於上添猶字

觀飲至數句應上講事鳥獸數句應上取林實謂菜鮮

等資謂竹木等器用謂居常器用略地謂接行邊境

也是孫辭亦托之乎軌物也傳曰見傳九年又十六年

也附注巡行如字行火行築者皆同

下孟反非矣遂往不聽諫之辭上文

公子豫遂行亦同

祖祭宗廟鼎 皮革齒牙骨角毛羽不登於器謂以飾法度之器

則公不射古之制也若夫山林川澤之實器用之

資阜隸之事官司之守非君所及也士臣阜阜臣興興臣隸言

取此雜猥之物以資器備是小臣有司之職公曰非諸侯之所親也

吾將略地焉孫辭以略地略總攝巡行之名傳曰東略之不知西則否矣

遂往陳魚而觀之陳設張也公大設捕魚之備而觀之倍伯稱疾不

從書曰公矢魚于棠非禮也且言遠地也矢亦陳也棠實

他竟故曰遠地曲沃莊伯以鄭人邢人伐翼曲沃

封成師之邑在河東聞喜縣莊伯成師子也翼晉舊都在平陽絳邑縣東邢國在廣平襄國縣

鳥毒 王使尹氏武氏助之翼侯奔隨尹氏武氏皆周世族大夫

也晉內相攻伐不告亂故不書傳具其事為後晉事張本曲沃及翼本未見桓二年隨晉地

葬衛桓公衛亂是以緩有州吁之亂四月四月

鄭人侵衛牧牧衛邑經書夏四月葬衛桓公今傳直言夏而更以四月附鄭人侵衛牧

舉經文三年君氏卒其義亦同他皆放此以報

東門之役東門在四年衛人以燕師伐鄭南燕國今東郡燕縣鄭

祭足原繁洩駕以三軍軍其前使曼伯與子元潛

軍軍其後燕人畏鄭三軍而不虞制人北制鄭邑今河南成

而制制人之在阜縣也一名虎六月鄭二公子以制人敗燕師于

後也成九年備豫

經云夏四月君氏卒傳唯云夏而以四月屬鄭祭足取妻是也

燕有二國故言南燕以別之南燕姑

姓姚氏云今汲縣西有古東燕城

按軍其前死字活用林註兩軍之宵

軍之皆此義也燕人畏三軍在前

而不虞制人之在後也成九年備豫

不虞善之大者林註分不備與不虞而二之非穀梁庶子為君為其母築宮使公子主其祭於子祭於孫止萬舞者文武二舞之總名名義未詳舞為樂主音逐舞節八音皆奏而舞曲齊之樂能調陰陽和節氣八方風氣由舞而行節其禮制使不荒淫次序人情使不蘊結也八方故用八諸侯以下降殺以兩一說諸侯六八大

北制二公子曼君子曰不備不虞不可以師曲沃

叛王秋王命虢公伐曲沃而立哀侯于翼春翼侯奔隨故

衛之亂也邾人侵衛故衛師入邾邾國也東平剛父縣

於衆仲問執羽對曰天子用八八八六諸侯用六

以節八音而行八風八音金石絲竹匏土革木也

大夫四四四十七士二二二四人土夫舞所

節八音八音之風手之舞之足之蹈之節其制而序

其情八音金鐘石磬絲琴瑟竹簫管土埙木祝

敵匏笙革鼓也八方之風謂東方谷風東南清明風南方凱風西南涼風西方閭闔風西北不周風

夫四八士二八附法士有功賜樂未考所出按襄十一

年傳注亦同

昭世五年公羊傳亦載魯八佾以舞

大武是昭時有八佾也

道向導也使者堯國敵未及

國故執前命以對公怨其外已堯此

言故故意也陸云責窮謂責以必窮

之辭耳然此文晦澁或有脫誤左繡

既聞又問乃因人之急而自矜德色

故自八以下唯天子得盡物數故以八為列諸侯則不敢用

公從之於是初獻六佾始用六佾也魯唯文王周公廟得

用八而他公遂因仍備而用之今隱公特立此婦人之廟詳問衆仲衆仲因明大典故傳亦因言始

知唯在仲子廟用六佾音逸宋人取邾田邾人

告於鄭曰請君釋憾於宋敝邑為道釋四年再見

導鄭人以王師會之王師不書伐宋入其郛以報

東門之役郭郭也東門役在郭芳夫反宋人使來告命告命策書

公聞其入郛也將救之問於使者曰師何及對曰

未及國窮辭公怒乃止辭使者曰君

也故使者忿之
觀禮天子呼同姓
小邦曰叔父同姓
大夫為叔父者雖
經傳無文明亦然
矣伯父見莊十四
年
公羊云此無事何
以書春秋編年四
時具然後為年此
註用之

冬告亦以冬取告
也冬告秋取亦當
書於秋襄十三年
曰書取言易也
寔更前惡而復為
和好故曰更成

命寡人同恤社稷之難今問諸使者曰師未及國
非寡人之所敢知也為七年公伐邾冬十二月辛

巳臧僖伯卒公曰叔父有憾於寡人諸侯稱同姓大夫長曰伯

宋人伐鄭圍長葛以報入郟之役也僖伯孝公之子惠公之弟故曰叔父

經六年春鄭人來渝平渝和而不盟曰平夏五月

辛酉公會齊侯盟于艾泰山牟縣東南有艾山冬宋人取長葛秋取冬乃

按七宗五正見定
四年蓋以懷姓居
唐地者賜之五官
之孫亦居唐地世
為貴族五官內或
二官或三官亦總
謂之五也頃父舊
居職位名焉章顯
故其子繫之於父
諸繫父為父者皆
然不復記其闕
者謂但言某邑而
下不云闕若此註
是也若不知何國
之地則言闕言有
者如某地有某是
也

易以
或反

傳六年春鄭人來渝平更成也渝變也公之為公

翼九宗五正頃父之子嘉父逆晉侯于隨晉翼

納諸鄂晉人謂之鄂侯鄂晉別邑

夏盟于艾始平于齊也春秋前魯與齊不平今

五月庚申鄭伯侵陳大獲往歲鄭伯請

于齊○呼報反

卷一

行又為莊十一年年於父母國不書滕侯卒傳例曰不書名未同盟也
歸于鄆起中丘近音貝夏城中丘城例在莊二十九年中齊侯使其
昔之地書城之始林註此周聘之始亦戎患之始凡伯家父皆大雅之舊
人 有鐘鼓曰伐穀梁曰以焯猶愈乎執 同盟稱名之舊典告終以下
左氏解款赴意也此為例之初故特言之焉曰告終繼息本有四意平分
則振以也以二字拖接筆法活二句者謂之禮經

傳七年春滕侯卒不書名未同盟也凡諸侯同盟於是稱名故薨則赴以名亦以名告同盟告終稱嗣也以繼好息民位之去當奉而不忘故曰繼

是一句不書于策好同則和親故曰息民謂之禮經此言凡例乃周公所制禮
是一句不引九年九兩云云而遂取承策為經丘明之傳博采衆記故始開凡例特顯
十一年凡例者九年小事非國家之大事故也
尋盟者恐其忘結盟者恐其散也
諸州年終遺會計之吏獻物詣府寺府者三公所居寺者九卿所居林註如今秦使而私覲之禮亦通
按穀梁蒞位也註盟誓素定今往其位而盟公年蒞臨也往盟乎彼也皆

聘結艾之盟也艾盟在秋宋及鄭平七月庚申盟于宿公伐邾為宋討也公距宋而更與鄭平欲以懼而伐邾欲以求宋故曰初戎朝于周發幣于公為宋討也為宋于偽反初戎朝于周發幣于公卿凡伯弗賓今計獻詣公府卿寺冬王使凡伯來聘還戎伐之于楚丘以歸所以見代陳及鄭平六年鄭侵陳大獲今乃平十二月陳五父如鄭泣盟也壬申及

為臨其位而盟也
飲口舍血也當敵
血之時如似遺忘
物然馮氏云此只
無守氣之意附
法如忘並依字讀
鄭忽敗北戎齊人
將妻之辭祭仲曰
必取之子無大援
將不立見桓十一
年鄭以桓武故
受邑泰山之下是
湯沐之邑於此邑
內立廟蓋祀桓武
之神蔡宣公卒子
桓公封人立
杞桓與襄公之父
成公同盟而赴以

鄭伯盟飲如忘志不在於飲血也馮伯馮伯鄭洩駕鄭良佐如

曰五父必不免不賴盟矣洩伯鄭洩駕鄭良佐如

陳洩盟良佐鄭辛巳及陳侯盟亦知陳之將亂也

入其國觀其政治故總言之也皆為鄭公子忽在

王所故陳侯請妻之以忽有王寵故鄭伯許之乃

成昏為鄭忽失齊昏授以至出奔傳

經八年春宋公衛侯遇于垂垂衛地濟陰句陽縣

侯三月鄭伯使宛來歸祊宛鄭大夫不書氏未賜

琅邪費縣東南○宛於於庚寅我入祊桓元年乃卒

名云因宜有所異
同者宣四年鄭公
子歸生殺君嫌婦
生無罪及宣五年
高固來逆叔姬嫌
見福成谷故傳因
以明之又諸例皆
應以始事而後在
後者周公奮九不
繫於始事繫於後
事五明作傳因記
註所繫以發之蓋
記註之文散在諸
事故傳亦或先或
後也記註記周公
奮九者
林註宋齊衛瓦屋
此參盟之始公及

入祊味肯夏六月己亥蔡侯考父卒無傳襄六年

卒始赴以名同盟故也諸侯同盟稱名者非唯見

在位二君也嘗與其父同盟則亦以名赴其子亦

所以繼好也蔡未與隱盟蓋春秋前辛亥宿男卒

與惠公盟故赴以名○見賢遍反

無傳元年宋魯大夫盟于宿宿與盟也晉荀偃壽

河稱齊晉君名然後自稱名知雖大夫出盟亦當

先稱己君之名以啓神明故薨皆從身盟之例當

告以名也傳例曰赴以名則亦書之不然則否確

不敏也今宿赴不以名故亦不書名諸例或發於

始事或發於後者因宜有所異同亦或丘明所得

記注本未不一秋七月庚午宋公齊侯衛侯盟于瓦

屋齊侯尊宋使主會故宋八月葬蔡宣公無傳三

昔人此會外大夫之始

王撫曰宋衛素睦而鄭其讎也請與

衛相見者必有其衛謀而所要於鄭

者其在去馮乎鄭莊不從故不果平

尾屋之盟傳稱齊人卒平宋衛于鄭

然鄭不會其故可知也

按魯頌曰居常與許復周公之宇是

周公得許田也禮王制朝宿之邑亦

名湯沐但向京師主朝王從巡守主

公例在傳二十九年浮來紀邑東莞縣北有邳其鄉邳邳西有公來山號曰邳來間○邳浦悲反

無傳冬十有二月無駭卒公不與小斂故不書曰卒而後賜族故不書氏

八年春齊侯將平宋衛平宋衛於鄭有會期宋公以幣請於衛請先相見宋敬命衛侯許之故遇于犬丘

犬丘垂也鄭伯請釋泰山之祀而祀周公以泰山

之訪易許田三月鄭伯使宛來歸訪不祀泰山也

成王營王城有遷都之志故賜周公許田以為魯國朝宿之邑後世因而立周公別廟焉鄭桓公周

宣王之母弟封鄭有助祭泰山湯沐之邑在祊鄭以天子不能復巡狩故欲以祊易許田各從本國

所近之宜恐魯以周公別廟為礙故云已廢泰山之祀而欲為魯祀周公孫辭以有求也許田近許

助祭祭必沐浴隨事立名互言之耳

近許說本公羊或云時忽有周如

陳配匹也祖廟也公子圍見昭

元年娶妻本為繼宗守祀計今誣其

祖則不為祖宗所佑何以能生育乎

不為夫婦言不能終其夫婦也怒猶

言不散也秋解憾也

林註鄭莊因齊僖在周地故以齊朝

王

之夏虢公忌父始作卿士于周周人於此遂鼎之政四月甲

辰鄭公子忽如陳逆婦媯辛亥以媯氏歸甲寅入

于鄭陳鍼子送女先配而後祖鍼子曰是不為夫

婦誣其祖矣非禮也何以能育鍼子陳大夫禮逆婦必先告祖廟而

後行故楚公子圍稱告莊共之廟鄭忽先逆齊人

卒平宋衛于鄭秋會于温盟于瓦屋以釋東門之

役禮也會温不書不以告也定國息民故曰禮也平宋衛二國忿鄭之謀鄭不與盟故不書

八月丙戌鄭伯以齊人朝王禮也言鄭伯不以號

故禮之齊稱人略從國辭上有七月庚公及昔人

句解秋三國不叶而相圖之患以各生聚其民鳩好聚于陽故訓聚也氏猶家也氏族一也別而稱之謂之氏合而言之則曰族猶舉其人則云華氏向氏并指其宗則云戴族桓族是也賜族雖以先人之字或用先人之謚号稱以為族衛齊惡宋戴惡之類是也一說此謚鄭玄引作氏字

盟于浮來以成紀好也二年紀昔盟于密為魯故今公尋之故曰以成紀好冬齊侯使來告成三國齊侯冬來告稱秋和三國公使眾仲對曰君釋三國之圖以鳩其民君之惠也寡君聞命矣敢不承受君之明德也鳩集無駭卒羽父請謚與族公問族於眾仲眾仲對曰天子建德立有德以因生以賜姓因其所由生以賜姓謂若胙之土而命之氏報之以土而命氏曰陳○胙才故反諸侯以字得賜姓故其臣因氏其為謚因以為族或便即先人之官有世功則有官族邑亦如之謂取其舊官舊邑之稱以

謚蓋氏詔存之以官為族若晉士氏中行氏之類或以所封之邑若趙氏魏氏之類附注諸侯以字為氏六字

證公命以字為展氏諸侯之子稱公子公子之子稱公孫公孫之子以王父字為氏無駭公子展之孫故為展氏

經九年春天王使南季來聘無傳南季天子大夫也南氏季字也三月癸酉大雨震電庚辰大雨雪三月今止月○西

挾卒無傳挾魯大夫未賜族○挾音協夏城郎秋七月公會齊

侯于防防魯地在琅邪華縣東南

傳九年春王三月癸酉大雨霖以震書始也書癸酉始

日庚辰大雨雪亦如之書時失也夏之正月微月始出未可震電

既震電又不當大凡雨自二日以往為霖此解經

雨雪故皆為時失

按此時魏公為右卿士

初公伐邾為宋敗我盟以徇人盟也

故有此辱林註此時齊鄭一黨也

故鄭告伐宋而齊信會魯以謀之

林註言北戎以別戎之雜處中國者

紂文軟直結及附注徒結反此輕如

字猶楚師輕寇之輕傳中輕字詳丹

鉛錄速去此文十二年使輕者肆同

而經無霖平地尺為大雪夏城郎書不時也宋公

不王不共王職鄭伯為王左卿士以王命討之伐宋宋

以入郟之役怨公不告命入郟在五年公以七年伐邾欲以說宋而宋猶

不和也說音悅公怒絕宋使秋鄭人以王命來告伐宋

遣使致王命也伐宋未得志故復更告之冬公會齊侯于防謀伐宋也

北戎侵鄭鄭伯禦之患戎師曰彼徒我車懼其侵

軼我也徒步兵也軼突也公子突曰使勇而無剛

者嘗寇而速去之公子突鄭厲公也嘗試也君為

三覆以待之覆伏兵也覆又及下同戎輕而不整貪而無

我逐其北者必有

所獲獲鄭人也

在先者見逐之有

所獲乃務在速進

不與其後者同利

獨自先進是不讓

也先者遇伏兵敗

走後者見之不救

是無繼也退可以

解患也按前謂戎

人進遇第三伏兵

起祝明亦及逐之

也中謂第二伏擊

親勝不相讓敗不相救先者見獲必務進進而遇

覆必速奔後者不救則無繼矣乃可以逞逞解也

政從之戎人之前遇覆者奔祝明逐之祝明鄭大夫

甘反一音音衷戎師前後擊之盡殪為三部伏兵祝

者先犯戎而速奔以過一伏兵至後伏兵起戎還

走祝明反逐之戎前後及中三處受敵故曰衷戎

師殪死也衷丁仲戎師大奔後駐軍不十一月

甲寅鄭人大敗戎師此皆春秋時事雖經無正文

學者原始要終尋其枝葉究其所謂必廣記而備言之將令

所窮他皆放此要於遙反經十年春王二月公會齊侯鄭伯于中丘傳言正月會癸

文也徒謂倒叙法者粗矣按註繼也之也疑者字之誤林註可證焉

敗去公子義興氏同齊鄭稱人是微

為師期公既謀謀而不言及者以量專行非公與齊鄭

謀之本期也其謀曰及公會于老桃

謀與齊鄭伐宋而公獨敗宋故知其

後期也敵未陳曰敗某師據地理志梁國當故戴國然則戴當從留

丑盟釋例推經傳日月癸丑是正月二十六日知經二月誤

鄭人伐宋公子翬不待公命而貪會一國之君疾其專進故去氏齊鄭以公不至故亦更

使微者從之伐宋不言及明專行非鄭之謀也及例在宣七年

宋師于營齊鄭後期故公獨敗宋師書敗宋未陳也敗例在莊十一年營宋地○管古頑

及辛未取郟辛巳取防鄭後至得郟防一邑歸功于魯故書取明不用師徒

也濟陰成武縣東南有郟城高平昌邑縣西南有西防城○鄆古報反

入鄭宋人蔡人衛人伐戴三國伐戴鄭伯因其不和伐而取之書伐用師徒也書取克之

易也戴國今陳留外黃縣東南有戴城

壬午齊人鄭人入郕

傳十年春王正月公會齊侯鄭伯于中丘癸丑盟

于鄧為師期盟九年會于防謀伐宋也公既會而不盟盟不書非後也蓋公還生會而不

告盟鄧魯地夏五月羽父先會齊侯鄭伯伐宋明非公會

本期釋暈六月戊申公會齊侯鄭伯于老桃會不

吾於廟也老桃宋地六月無戊申誤壬戌公敗宋師于

菅庚午鄭師入郟辛未歸于我庚辰鄭師入防辛

巳歸于我壬戌六月七日庚午十五日庚辰

獨進兵以入郟防入而不有命魯取之推功上魯讓以自替不有其實故經但書魯取以成鄭志善

也君子謂鄭莊公於是乎可謂正矣以王命討不

戶也秋文戴作載曰音再字林作戴

按戴載形近未知孰是疏引鄭箋做

戴當作熾當證戴音與今詩作淑載

克者本克邑之辭而克得軍師而易

亦曰取六月丙辰朔三日

戊午五日庚申敗宋秋文必邁反

敗他也顏之推云江南人破入軍曰

敗補敗反傳記無之繫矣附注據此則敗當如字說補

敗反即此必邁反

禮也。不應於郊。設之杜意。蓋以熟食。曰養生牲。曰養勞。客於郊。必有牲饌。故云。

林註。九年鄭以王命來告伐宋。想皆告于諸侯。經不言圍戴者。本意在圍三師不在圍戴也。不言圍三師者。以其取之易也。三國經皆稱入傳言師。故云通稱。林註蔡不與入鄭伐戴。乃召之蔡宋衛不同。其入鄭之功。故不

庭下之事。上皆成禮於庭中。不貪其土。以勞王爵。正之體也。者勞

蔡人衛人邾人不會王命。不伐也。秋七月庚寅。鄭師

人郊。猶在郊。鄭師還駐兵於遠郊。宋人衛人入鄭。宋衛奇兵乘虛入鄭。

蔡人從之伐戴。從宋衛也。八月壬戌。鄭伯圍戴。癸亥

克之。取三師焉。三國之軍在戴。故鄭伯合圍之。師者軍旅之通稱。稱尺證及。宋衛既入鄭。而以伐戴。召蔡人。伐戴乃召之。蔡人怒。故不和而敗。言鄭取之易也。九月戊寅。鄭伯入宋。報入鄭也。九月無戊寅。戊寅十四日。冬。齊人鄭人入邾。討違王命也。

經十有一年。春。滕侯薛侯來朝。諸侯相朝例。在文十五年。夏。公

會鄭伯于時來。時來。邾也。榮陽縣。東有釐城。鄭地也。釐音來。又力之反。秋。七

月壬午。公及齊侯鄭伯入許。許。居之故。不滅也。許。與謀曰。及還使許。不

傳十一年。春。滕侯薛侯來朝。爭長。薛魯國。薛侯曰。我先封。薛祖奚仲。夏所封。在周之前。滕侯曰。我周之上正也。

父請於薛侯曰。君與滕君辱在寡人。周諺有之曰。不貪其土。以勞王爵。正之體也。

美仲為夏車正。見定元年。辱辱臨也。和文諺音彦俗言也。僖廿八年諸姬昭

和以至於敗。滕薛此諸侯朝魯之始。亦放見之始。

不忍言君之見弒。與其僵尸之處也。與他君書弒。又他公薨。皆地異。傳不書書曰。故知魯史諱之。

元年諸游與此諸
任是漢諸官所本
宗盟謂同宗之盟
也按定四年載祝
佗語而不曰例也
按朝辭先任亦權
時之言非典論也
馮氏云亦世情語
耳齒以年次列
以爵次義亦相通
馮氏云闕疑即詩
所謂子都者蓋發
人廟內授車未
有馬駕故手扶轅
而走九軌出考
工記九達山亦雅
唯城內不當有九
出之道故取九軌

山有木工則度之賓有禮主則擇之擇所宜而行
周之宗盟異姓為後盟載書皆先同寡人若朝
于薛不敢與諸任齒薛任姓齒列君若辱既寡人
則願以滕君為請薛侯許之乃長滕侯夏公會鄭
伯于邾謀伐許也鄭伯將伐許五月甲辰授兵於
大宮大宮鄭祖廟公孫閱與穎考叔爭車公孫閱
閱於穎考叔挾輓以走輓車轅也子都拔棘
以逐之子都公孫及大逵弗及子都怒逵道方九
求龜反九謂之遠秋七月公會齊侯鄭伯伐許庚辰傅于

九軌天子之制他
國無之唯鄭城內

詐傳于許城下穎考叔取鄭伯之旗螿弧以先登

有之鄭之螿弧齊之靈姑錡趙氏

之蜂旗名義難知
傳附也鄭師見君

瑕叔盈又以螿弧登瑕叔盈周麾而呼曰君登矣

周偏也麾招也鄭師畢登壬午遂入許許莊公奔

盡登於城上齊僖
知鄭莊貪詐故陽

衛奔不書兵亂遁齊侯以許讓公公曰君謂許不

共不共職貢故從君討之許既伏其罪矣雖君有

鄭莊之所以不遠
然有許者以此全

命寡人弗敢與聞乃與鄭人鄭伯使許大夫百里

奉許叔以居許東偏許叔許莊公之弟東曰天禍

林註鬼神謂許之
鬼神也

許國鬼神實不逞于許君而假手于我寡人借手

于我

說文餽寄食也今人以薄饗塗物謂之餽紙餽帛餽者以饗食口之名沒于地猶云百年之後無寧十字句馮云以下四句一氣誦一說茲字句指許叔居此東偏而撫柔其民也按此說本昭元年不寧唯是降從二字又見禧其羊窩武子盟辭當許必能降心以從今日之約設使他族處此以與我爭則我之救亡不暇何能有

寡德之人寡人唯是一二父兄不能共億父兄同姓羣臣以討許其敢以許自為功乎寡人有弟不能和協安也而使餽其口於四方弟共叔段也餽寄也其況能久有許乎吾子其奉許叔以撫柔此民也吾將使獲也佐吾子獲鄭大夫若寡人得沒于地以壽天其以禮悔禍于許言天加禮於許而悔禍之無寧茲許公復奉其社稷無寧寧也茲此也唯我鄭國之有請謁焉如舊昏媾謁告也婦之父其能降以相從也降降心也無滋他族實偏處此以與我鄭國爭此土也吾子

許脩其祀采此段言天或回其心則許公不獨復國已亦須與鄭相親其有請於許亦如舊姻不相逆也祀許猶晉於虞也鄭本在西都畿內咸林之地武公得魏郟之地乃徙其封而施舊号于新邑林注自武公受封至莊公纒二世故曰新自鄭邑於此王室猶且已與故諸姬日衰也而字有办經紀理之也猶經夫婦之經

孫其覆亡之不暇而況能禋祀許乎潔齊以事謂之禋祀謂許山川之寡人之使吾子處此不唯許國之為亦聊以固吾圉也圉邊垂也乃使公孫獲處許西偏曰凡而器用財賄無實於許我死乃亟去之吾先君新邑於此此今河南新鄭舊鄭在東京北王室而既卑矣周之子孫曰失其序鄭亦周之子孫夫許大岳之胤也胤神農之後堯四岳也胤繼也天而既厭周德矣吾其能與許爭乎君子謂鄭莊公於是乎有禮禮經國家定社稷序民人利後嗣者也許無刑而伐之服而舍

按處置也度我德之所稱而處置之量我力之所能而施行之與下文不度德不量力異林註以為許德非大司馬職云世五人為兩無行名但行司馬兩司馬同是中士故知行即兩也詛者殺牲告神祝詛之欲使神殺之也猥牡豕也或犬或雞用一非用二也邪不能治而假祝詛何益於國事乎按子都嬖人故佯為不知而

使軍士詛之也蕪忿生以温為司寇見成十一年又出立政昔蕪公受此十二邑為司寇此時蕪氏叛王王不能有其田故易四邑于鄭按據六年傳註例此際當言某邑不當言關而言之者以餘邑皆知所在唯此獨闕故也推己而及人謂之怨世本息國姬姓按有違言謂其端甚小也或云此德謂息侯之德自薄也

之也刑法度德而處之量力而行之相時而動無累

後人我死乃亟去之無累後人可謂知禮矣鄭

伯使卒出猥行出犬雞以詛射賴考叔者百人為

謂鄭莊公失政刑矣政以治民刑以正邪既無德

政又無威刑是以及邪大臣不睦又不邪而詛之

將何益矣王取鄆劉二邑在河南緱氏縣西南有

反蕪邢之田于鄭蕪邢鄭二邑而與鄭人蘇

忿生之田蘇忿生周武王司寇温原今温縣在沁水

紆在野王縣西南樊一名陽樊野王縣西南有陽城隰邲在懷縣

攢茅在脩武縣北向向縣西南有地名盟今盟津

州今州陘音刑潰在脩武縣北懷今懷縣凡十

生之田攢茅潰屬及郡餘皆屬河內君子是以知桓王之失鄭也怒

而行之德之則也禮之經也已弗能有而以與人

人之不至不亦宜乎蘇氏叛王十二年王所不能

鄭息有違言以言語相違恨息侯伐鄭鄭伯與戰于竟息

師大敗而還息國汝南新息君子是以知息之將

亡也不度德鄭莊賢不量力息國不親親鄭息

亡也度待洛反不量力弱不親親同姓

亡也度待洛反不量力弱不親親同姓

亡也度待洛反不量力弱不親親同姓

亡也度待洛反不量力弱不親親同姓

亡也度待洛反不量力弱不親親同姓

亡也度待洛反不量力弱不親親同姓

亡也度待洛反不量力弱不親親同姓

而禱之禱者謀也 喪禮不成也

非其實也然由此 以得婦故謂神助 因以立主耳 馮云隱弑經不書 傳特詳之此例所 錯經以合異也桓 年已長矣而十一 年不授國而曰吾 將吾將者戀棧之 詞伐國不問仁人 弑桓之言胡為至 于耳哉立誅暈而 返國于桓安得有 焉氏之禍是隱亦 有以取之

春秋左氏傳校本第一

音義拾遺

穆本載陸氏音義大抵在難字轉音不出 全文今附其遺者于每卷之末始為完物

舊太字皆作天 後大子皆放此

為經元年 起本之例皆放此更不音

始娶 七住

姊媵 以證反又

尙少 詩照

大子

音甫凡人名 字皆放此

繼好 呼報

鄒縣 側留

卞縣 皮彥反本

不弟 音嫌又

僞傑

音俊下

宛陵 於阮反又

稱使 如字又

傳與盟 如字又

皆放 甫往反後

嚴 五衛反本

滋蔓 萬音

音樂

於元反

所吏反

音預

此例皆同

此例皆同

此例皆同

鼎按今

取住

音恭凡國各地各人名字氏族

音者皆同

丁古

古定

萬音

本亦巖

扶又

皆不重音疑者復出後放此

音者皆同

丁古

古定

萬音

弊世反本又作

具卒 尊忽反注

及下同

居及

大計反

又如字

置封

居良

川悅

羊弓

賢遍反下

三見同

一音

依字

二年譙國 在遙

將甲 子匠

紀裂 音列

卿為 子偽反下

為魯同

彼列

傳經三

年殞必刃不共音恭本又致令力呈不復扶又傳隱見賢通以別彼

間之間廁澗谿苦兮沼之紹時音止本又作不復扶又傳隱見賢通以別彼

行潦老音盟約如字又行葦于鬼以共音恭以歿音沒奉馮本亦商頌作憑

似用本又作荷是何今本亦荷任何音壬忿而芳粉必傳直專而好呼報弗禁呼報

居鳩反惡之鳥路於邪似嗟反夫寵音扶發句之不憾本又作弑其初患

試音經四年弑其本又作殺同音試凡弑君之君完音丸傳諸篡初患不

復扶又反下王觀其靳反朝陳直遙反後不福小必淺反一老矣莫

反請涖類音經五年將卑子匠二嫡丁歷為別于偽螟亡丁傳觀魚音步

者本亦作秋獮說文作壘穀梁傳冬狩手又蒐索所白不孕以證為

苗于偽振旅之慎猶復扶又反器械戶戒辨等如字又方行伍戶郎

長丁丈反鳥獸之肉一本作於俎莊呂臣興音餘雜猥鳥罪捕魚音步

搏他竟音境傳見賢通反一本作衛牧州牧之牧以燕於賢曼伯音萬剛

父甫音匏白交蹈之徒報而僭于念為道本亦經六年傳狐壤如掌使

者所吏之長丁丈反下諸鄂五各不復扶又反子佗徒河反人之燎

力召反又鄉邇本又作嚮鄉近附近可撲普十周任音壬請糴直歷傳

見賢通雍縣於用左右音佐下音佑經七年與嫡本又作適琅邪音郎傳

臨沂魚依共縣音恭汎城音凡之使所吏反見夷賢通戰陳直觀傳

繼好呼報反為援于眷鄭復扶又政治直吏為鄭于偽經八年繼好

呼報反宿與盟音預下禱河丁報反邳來間如字小斂力驗傳泰山如

東岳能復扶又巡守手又反所近附近之迹下欲為于偽反下遂卑

岳能復扶又巡守手又反所近附近之迹下欲為于偽反下遂卑

必二 誣其亡符 莊共音恭本 不與音預 而背音佩 紀好呼報反 媯汭如鏡反

經九年震電徒練反 華縣戶化反 傳雨霖音林爾雅云久雨謂之霖 不共音恭本亦

作供 宋使所吏反 故復扶又反 以逞勑領反 解也音蟹或佳賈反 三處昌慮反 後駐

丁住 將令力呈反 經十年去氏起呂反 未陳直觀反 取郃字林工反 易也以

反傳 傳饗餼許氣反 經十一年薛侯息列反 邾邾音邾邾來 傳爭長丁丈反下 夏所

戶雅 挾音協 弧音胡 周麾許危反又 周徧音遍 遁逃徒頓反 不共音恭本亦 共

億於力反 餬其音胡 鬻本又作鬻之音 以壽如字又音授 昏媾古豆反 重昏直龍反

覆亡芳服反 不暇行嫁反 裡祀音因 絜齊側皆反本亦作齋 吾圉魚呂反 財賄呼罪反 出豶豬別名 以

悔 乃亟紀力反急也下注同 既厭於豔反 無累劣偽反 使卒尊忽反 出豶豬別名 以

詛側慮反 故令力呈反 正邪似嗟反下及注同 緱氏古侯反一音苦侯反 鄔聚才遇反 在沁七浸

反字林先社反郭璞三蒼解詁音狗沁之沁沈文何疏鳩反韋昭思金及水名樊扶袁反 隰詳立反 郟尚征反 軹縣

音 紙 鄔音息一本作息 傳聞直專反 菟裘音求 梁父音甫 復居扶又反下同 請殺音試

下同 一音如 賂尹氏音路 而禱丁老反或多報反 鍾巫亡夫反 齊于側皆反

○按泰山如字狗沁之心並未考

春秋左氏傳校本第二

桓公 起元年 晉 杜氏 集解
盡十八年 唐 陸氏 音義

尾張 秦 鼎 校本

桓公 名軌，惠公之子，隱公之弟，母仲子。

經元年春王正月公即位 嗣子位定於初喪而改

業成父之志不忍有變於中年也諸侯每首歲必
右禮於廟諸遭喪繼位者因此而改元正位百官
以序故國史亦書即位之事於策桓公篡立而用
常禮欲自同於遭喪繼位者釋例論之備矣○篡
初患三月公會鄭伯于垂鄭伯以璧假許田夏四

按桓使羽父弑隱
婦罪竊氏詐言吾
不共賊同故史即
書之仲尼亦不改
乃足見篡立
秋例曰尚書顧命
天子在殯之遺制
也推此亦足以準
諸侯之禮矣
桓懼討修好于鄭
此時許田亦不要

得璧假為之名耳
知時史之所隱諱
者傳不言書曰知
非仲尼新意也祀
事見前故曰復林
氏作復請解大謬
祊薄於許加之以
璧易取許田非假
借之也今經乃以
璧假為文故傳言
為周公祊故也不
言以祊假而言以
璧假者璧猶可言
祊不可言也何則
祊許俱地以地易
地易理已章非復
得為隱諱故也按
祊薄許厚說似迂

月丁未公及鄭伯盟于越

公以篡立而脩好於鄭
鄭因而迎之成禮于垂

終易二田然後結盟垂大丘衛地也越近垂地名
鄭求祀周公魯聽受祊田今鄭廢泰山之祀知其

非禮故以璧假為文時
之所隱○初百庚反 秋大水 書災也傳例曰凡
平原出水為大水

冬十月 迎之迎其意且乘其有惡也因伴言以祊之稅賦供周公之祀故傳曰
為周公祊故也言為欲祀周公又以祊與魯故也然此傳支頗難說

傳元年春公即位脩好于鄭鄭人請復祀周公卒

易祊田 事在隱八年
覆扶又反 公許之三月鄭伯以璧假許

田為周公祊故也 魯不宜聽鄭祀周公又不宜易
取祊田犯二不宜以動故隱其

實不言祊稱璧假言若進璧以
假田非久易也○為于偽反 夏四月丁未公及

鄭伯盟于越結祊成也 結成易二田之事也傳以
經不書祊故獨見祊○見

賢通 盟曰渝盟無享國 渝變
秋大水凡平原出水

為大水 廣平
日原 冬鄭伯拜盟 鄭伯若自來則經不書
若遣使則當言鄭人不

得稱鄭伯 疑謬誤 宋華父督見孔父之妻于路 華父督末
戴公孫也

孔父嘉孔子六世
祖○華戶化反 日逆而送之曰美而豔 豔色美曰
豔○豔

以瞻○此傳先經以著其事一說色美而治曰
豔色以贊言豔以神言杜引毛傳未是

經二年春王正月戊申宋督弑其君與夷及其大

夫孔父 稱督以弑罪在督也孔父稱名者內不能
治其閨門外取怨於民身死而禍及其君

滕子來朝 無傳隱十一年稱侯今
稱子者蓋時王所黜 三月公會齊侯

陳侯鄭伯于稷以成宋亂 成平也宋有弑君之亂
故為會欲以平之稷宋

頌曰居常與許蓋
僖公之時復得之
也惡事載盟醜也
未至則日逆既過
則目送俱是目也
故以目冠之美者
言其形貌美豔者
言其顏色好為二
事之辭及累及也
九言其者是其身
之所有及其大夫
言及與夷之大夫
非督之大夫也殺
君稱君君無道也
稱臣臣之罪也孔
父行無可善書名
罪之也無罪不書
名以死又為名若齊

侯祿父宋公茲父之等

程氏云春秋大義數十炳如日月者

如成宋亂宋災故之類皆直著誅貶

死曰氏云七月來朝九月入杞是因

日月以見其是非此書至會之始

弗地曰入見襄十三年致猶告也

丘維屏曰怒懼弒皆一日事故經書於戊申日下

補注傳稱華父督華父是其字督公係也無賜族之法

地夏四月取郟大鼎于宋戊申納于大廟宋以鼎

廟周公廟也始欲平宋之亂終於受賂故備書之戊申五月十日郟古報反大音泰秋七

月杞侯來朝公即位而來朝蔡侯鄭伯會于鄧縣西南有

鄧九月入杞不稱主帥微者也弗地曰公及戎盟

于唐冬公至自唐傳例曰告于廟也特相會故瑛

告廟也隱不書至謙不敢自同於正君書筭策勳

傳二年春宋督攻孔氏殺孔父而取其妻公怒督

懼遂弒殤公君子以督為有無君之心而後動於

惡雖有君若無也故先書弒其君會于稷以成宋亂為賂

故立華氏也經稱平宋亂者蓋以魯君受賂立華氏貪縱之甚惡其指斥故遠言始與

齊陳鄭為會之本意也傳言為賂故立華氏也猶壁假

許田為周公祓故所謂婉而成章督未宋殤公立

死而賜族督之妄也為賂于偽反

十年十一戰殤公以隱四年立十年民不堪命孔父

嘉為司馬督為大宰故因民之不堪命先宣言曰

司馬則然言公之數戰則司馬使爾蕭孔父字數音朔已殺孔父而弒

殤公召莊公子于鄭而立之以親鄭莊公公子馮也隱三年出居于

鄭馮入宋不書不告也馮皮冰反以郟大鼎賂公郟國所造器也故繫名於郟濟

陰成武縣東齊陳鄭皆有賂故遂相宋公夏四月南有北郟城

陸云立華氏蓋記者追書之辭若僖伯稱臧耳非未死賜族一說氏猶家謂不滅其家立之世其卿也杜偶失考婉而成章成十四年傳文法婉曲也宋殤亟戰以馮之在鄭欲剪其所忌也附注孔父名嘉字孔父其先有弗父金父等是其例也春秋時人名嘉字孔者有之若公子嘉字子孔是其証也此亦異杜意存之

塞違塞止違邪也此以君言下滅德立違以臣言而立邪臣即君之邪德是君臣相通此篇主意在塞違却詳昭德是實主互形按後漢明帝召鄭衆問春秋左氏有鼎事幾衆對狀除即中想此賂器亦在對中桓在地下愧死矣越席結蒲爲席茵藉之也肉汁不忘本也諸穀俱稱衆食餅也畫衣繪龍山華夷火宗彝天

取郕大鼎于宋戊申納于大廟非禮也臧哀伯諫曰夫傷伯之子君人者將昭德塞違以臨照百官

猶懼或失之故昭令德以示子孫是以清廟茅屋

以茅飾屋者儉也清廟肅然大路越席祀天車也

越席結草也○稱尺證反○大羹不致不致五味粢食不鑿

不精鑿○粢音咨食音嗣鑿子洛反糝米也昭其

儉也此四者○衰冕蔽珽以蔽膝也珽玉笏也蔽韋鞞

○幅音逼滕徒登反覆音福衡紘紘紘者統冠之

○幅音逼滕徒登反覆音福衡紘紘紘者統冠之

子有升龍無降龍上公無升龍蜀秦必見大守以簞擊頰即手板幅邪幅也傳云無考紕懸瑱之繩傳云藻雜采絲繩之貫玉爲冕旒者率綽同緹緝其帶也此皆王侯大夫士有差鞞刀鞞鞞通作鞞刀鞞上飾下飾曰鞞方言劍削闕西謂之鞞杜偶失考鞞文亞亞古弗字已篆作巨故爲兩已相戾附注鞞蒲官反夫德以下總束

垂者紕纓從下而上者纒冠上覆○統昭其度也

多敢反○紕獲耕反○紕音延字林弋善反○統昭其度也

有制度藻率鞞鞞藻率以韋爲之所以藉玉也王

佩刀削上飾鞞下飾○率劣戍反○鞞厲游纒鞞紳

一名大帶厲大帶之垂者游旌旗之游纒在馬

其數也尊卑各有數○火龍黼黻火畫火也龍畫龍也白

與書謂之黻昭其文也明貴賤五色比象昭其物

也車服器械之有五者皆以比象天地錫鸞和鈴

旂旗昭其明也於旂旗象天之明夫德儉而有度

沈雲將曰他日公
子牙慶父之徒起
所謂百官象之者
義士非之云亡國
之物不可示民傳
曰宣三年漢書王
貢傳武王伐紂遷
九鼎於維音維伯夷

登降有數登降謂上文物以紀之聲明以發之以
臨照百官百官於是乎戒懼而不敢易紀律今滅
德立違謂立華督而寘其賂器於大廟以明示百
官百官象之其又何誅焉國家之敗由官邪也官
之失德寵賂章也郕鼎在廟章孰甚焉武王克商
遷九鼎于維音維九鼎殷所受夏九鼎也武王克商
時但營洛邑未有都城至周公乃卒營維音維謂之
王城即今河南城也故傳曰成王定鼎于郊音維
維音義士猶或非之蓋伯夷而況將昭違亂之賂
器於大廟其若之何公不聽周內史聞之曰滅孫

叔齊薨之餓死於
首陽杜說本之而
言蓋者疑辭積善
文言傳然此唯言
達有後杜兼稱傳
伯為旁枝矣懼楚
左繡此一語為全
書提綱
補註此蓋魯人責
其玉帛之將不備
反行句與語反行
吾振旅焉策勳書
勞也詳襄十三年
而君相會魯曰會
齊侯齊曰會魯侯
是讓所會而讓之
事而不居其地也
三君則魯不得曰

達其有後於魯乎君違不忘諫之以德內史周大
伯諫隱觀魚其子哀伯諫桓納鼎積夫官也備
善之家必有餘慶故曰其有後於魯秋七月杞侯
來朝不敬杞侯歸乃謀伐之蔡侯鄭伯會于鄧始
懼楚也楚國今南郡江陵縣北紀南城也楚武王
懼而九月入杞討不敬也公及戎盟于唐脩舊好
也惠隱冬公至自唐告于廟也凡公行告于宗廟
反行飲至舍爵策勳焉禮也爵飲酒器也既飲置
速紀有功也特相會往來稱地讓事也特相
音赦置也舊音捨會必有主二人獨會則自參以上則
與一國會也會必有主二人獨會則自參以上則
莫肯為主兩讓會事不成故但書地

者為小宗其庶弟

也附注分親皆如

側室貳宗又見襄

十四年邦畿之外

每服五百里侯甸

男采衛要六服為

中國夷鎮番三服

為夷狄啓闢道也

故不據疏當作則

不

林注唯天子稱命

此私相命也諸侯

不請命而私相命

于此始蘇轍云有

以相命故不可言

會未嘗敵血故不

可言盟

公羊杞作紀程氏

以為凡杞稱侯者

皆當作紀按僖世

三年杞子卒杜云

杞入春秋稱侯莊

廿七年細稱伯今

而建國本既弱矣其能久乎諸侯而在惠之三十

年晉潘父弑昭侯而納桓叔不克潘父晉大夫也

晉人立孝侯昭侯子也惠之四十五年曲沃莊伯伐翼

弑孝侯莊伯桓叔子翼人立其弟鄂侯鄂侯生哀

侯鄂侯以隱五年奔隨其哀侯侵陘庭之田陘庭

郟郟音刑陘庭南郟啓曲沃伐翼

經三年春正月公會齊侯于贏經之首時必書王

班也其或廢法違常失不班歷故不書王贏齊邑

今泰山贏縣○經三年正月從此盡十七年皆無

王唯十年有二傳以為義夏齊侯衛侯晉命于蒲

申約言以相命而不敵血也蒲衛地

在陳留長垣縣西南○駟所洽反

侯于郟秋七月壬辰朔日有食之既無傳既盡也

日光以望時遙奪月光故日月食日月同會月奄日

故日食食有上下者行有高下日光輪存而中食

者相奄密故日光溢皆既者正相當而相奄間

疏也然聖人不言月食日而以自食為文者闕於

見不公子翬如齊逆女禮君有故九月齊侯送姜

氏于謹謹魯地濟北蛇丘縣西有下謹亭已去齊

呼端反國故不言女未至於魯故不稱夫人○謹

以支反公會齊侯于謹無傳夫人姜氏至自齊無

告於廟也不言翬以至於謹冬齊侯使其弟年來聘

有年無傳五穀皆熟書有年

月下其食勸於下天子不親逆使卿逆而上公臨之諸侯親逆例見八年莊廿四年文四年襄十五年羊訓稔一歲一熟故謂歲為年穀梁云五穀皆熟為有年五穀大熟為大有年五穀麻黍稷麥豆而服馬夾轅又駕一馬為駟又駕一馬為駟駟馬駟駟故名駟駟駟駟通為一紐一音卦是也成二年傳云駟絙於木而止

傳三年春曲沃武公伐翼次于陘庭韓萬御戎梁

弘為右武公曲沃莊伯子也韓萬莊伯弟也御戎僕也右戎車之右逐翼侯于

汾隰汾隰汾水邊駟絙而止駟絙馬也夜獲之

及欒共叔共叔桓叔之傳欒實之子也身傳翼侯父于各殉所奉之主故并見獲而死

會于贏成昏于齊也公不由媒介自與齊侯會而成昏非禮也夏齊侯

衛侯昏命于蒲不盟也公會杞侯于郕杞求成也

二年入杞故秋公子翬如齊逆女修先君之好故

曰公子禮辭故公子翬逆女傳稱修先君之好公

子遂逆女傳稱尊齊侯送姜氏非禮也凡公女嫁

于敵國姊妹則上卿送之以禮於先君公子則下

卿送之於大國雖公子亦上卿送之於天子則諸

卿皆行公不自送於小國則上大夫送之冬齊仲

年來聘致夫人也古者女出嫁又使大夫隨加聘問存謙敬序殷勤也在魯而出

則曰致女在他國而來則總芮伯萬之母芮姜惡

芮伯之多寵人也故逐之出居于魏為明年秦侵芮張本芮國

在馮翊臨晉縣魏國河東河

北縣○芮如鏡反惡鳥路反

經四年春正月公狩于郎冬獵曰狩行三驅之禮得田狩之時故傳曰書

時禮也周之春夏之冬也田狩從夏天王使宰渠

姊妹不以所嫁輕重雖則小國亦使上卿送上卿送如禮於先君之遺體也遂事見宣元年也是行聘禮而致之也不堪事宗廟則欲以之歸也成九年季孫行父如宋致女與此事同而文異故辨之如此按昭九年蔡即屬即此地

降者不殺奔者不
禦大司馬中多教
大閱遂以狩田是
狩田從夏時也舉
地名者皆言其非
地也大宰少宰其
任甚重故云以木
地時並得則例皆
不書書者必有所
訖此駁出時合禮
而地非禮自明
桓公卒弟佗自立
蔡人殺佗立桓公
子厲公躒
赴者並言正月故
而書其日共言正
月 公朝王所則
書外相朝例不書

伯糾來聘

宰官渠氏伯糾名也王官之宰當以才授位而伯糾攝父之職出聘列國故書

名以譏之國史之記必書年以集此公之事書首時以成此年之歲故春秋有年時而無事者今不

書秋冬首月史一說三驅驅逆車三面驅禽也禽唯背已向已趨已故左闕文他皆效此右及于後驅之禮天子不合驅順而來取之從前而逸免之

傳四年春正月公狩于郎書時禮也郎非狩地故唯時合禮

夏周宰渠伯糾來聘父在故名秋秦師侵芮敗焉

小之也秦以芮小輕之芮所敗冬王師秦師圍魏執芮伯

以歸芮所敗故以芮伯歸將欲納之

經五年春正月甲戌己丑陳侯鮑卒未同盟而書名者來赴以

名故也甲戌前年十二月二十一日己丑此年正月六日陳亂故再赴赴雖日異而皆以正月起文之

伯糾身未居官攝

故但書正月慎疑審事故夏齊侯鄭伯如紀外相

行父事故稱名以

言如齊欲滅紀紀人懼而來告故書天王使仍叔之子來聘仍叔天

位而未堪從政故

夫稱仍叔之子本於父字幼葬陳桓公無城祝丘

擊父以訖之直言

弱之辭也譏使童子出聘

父老來聘詩雲漢

無傳齊鄭秋蔡人衛人陳人從王伐鄭鄭之王君

序云仍叔美宜王

將襲紀故

則仍叔世大夫陳

臣之辭也王師敗不書不

深云古人字累世

以告○從如字又才用反大雩傳例曰書不時蝻

同之如趙氏世稱

無傳蝻蝻之屬為災故書冬州公如曹不書奔以

孟知氏世稱伯也

○駟相答反○蝻相魚反

家父凡伯亦同

下實來書也曹國州是畿內之地河內州縣是也

啖助云不言會及

傳五年春正月甲戌己丑陳侯鮑卒再赴也於是

臣從君之粹林注

今濟陰定陶縣蓋州公既如曹先使告魯故書

自伐鄭無功而王

陳亂文公子佗殺太子免而代之佗桓公弟五父也稱文公子明

書大雩之始傳稱
凡物不為災不書
州公蓋爵尊而國
小者或為三公之
官若號公之屬今
難詳世本州國姜
姓外朝不書明年
來魯故書其本也
附注免疑如字
初王貳于號又周
人將異號公政既
而號公為右卿士
鄭伯為左卿士於
是全奪鄭伯政典
號也 枝小柱也
故訓支持十五年
傳曰鄭伯因櫟人
殺檀伯昭十一年

公疾病而亂作國人分
散故再赴夏齊侯鄭伯朝于紀欲以襲之紀人知

之王奪鄭伯政鄭伯不朝奪不使秋王以諸侯伐

鄭鄭伯禦之王為中軍號公林父將右軍蔡人衛

人屬焉號公林父王卿士周公黑肩將左軍陳人

屬焉黑肩周鄭子元請為左拒以當蔡人衛人

鄭公子拒方陳拒俱甫為右拒以當陳人曰陳

亂民莫有鬪心若先犯之必奔王卒顧之必亂蔡

衛不枝固將先奔不能相既而萃於王卒可以集

事從之萃聚也曼伯為右拒曼伯檀伯祭仲足為

左拒原繁高渠彌以中軍奉公為魚麗之陳先偏

後伍伍承彌縫司馬法車戰二十五乘為偏以車

闕漏也五人為伍此蓋魚麗陳法麗力知友戰于緇葛緇葛鄭地命二

拒曰殫動而鼓殫旃也通帛為之蓋今大將之麾

活及說文作檜建大木置石其上發機以砲敵蔡衛陳皆奔王卒亂鄭師

合以攻之王卒大敗祝聃射王中肩王亦能軍雖

敗身傷猶殿而不奔故言能軍祝聃請從之公

曰君子不欲多上人況敢陵天子乎苟自救也社

稷以石投下也檜

發石也按馬融傳

檜旌其如林

王來伐我不得已

欲自救耳上加也

左傳

句解其為幸亦多矣一說戰功日多此子來聘傳雖言聘意蓋為將伐鄭而遣魯魯也經在伐鄭之上明其必有深意為我事來而不速反故解之雪遠也遠為百穀祈膏雨也凡事則不每事祭時三句謂雪皆祭等祭天嘗祭宗廟此無祭地而註言地者帶說也魯蓋無祭地但凡之所論總包天地及諸國不獨魯故也周至漢

稷無隕多矣鄭於此收兵自夜鄭伯使祭足勞王

且問左右祭足即祭仲之字蓋名仲字仲足也

仍叔之子弱也仍叔之子來聘童子將命

仍叔之子弱也無速反之心久留在魯故

仍叔之子弱也十二公傳唯此年

仍叔之子弱也反襄二十六年存

仍叔之子弱也凡祀啓蟄而郊

仍叔之子弱也龍見而雩

仍叔之子弱也過則書

初啓蟄為正月中雨水二月節大初以後改之故此啓蟄當今正月雨水龍見當四月小滿始殺當八月秋分閉蟄當十月小雪此四者皆舉中氣次月初氣仍是祭限次月中氣乃為過時烝象也卜不過三故限以一月如涉次月之節則書昭十八年鄭

否過次節則冬淳于公如曹度其國危遂不復淳于

州國所都城陽淳于縣也國有危難不能自安故出朝而遂不還○度待洛反

經六年春正月寔來寔實也

夏四月公會紀侯于成成魯地在泰山

秋八月壬午大閱齊為大國以戎事徵諸侯之戍

蔡人殺陳佗佗立踰年不稱

九月丁卯子同生桓公子蒯公也

冬紀侯來朝是適夫人之長子備用大子之禮故

六年春自曹來朝書曰寔來不復其國也亦承

陳佗死厲公躍立
殺陳佗傳無文不
言無傳者以莊世
二年傳說之
李笠翁云淳于公
以曹弱小不堪羈
旅故復來魯遂留
不去也

註寔來足利本宋
板作寶按雖來朝
其實來留也
孫鑛云少師應是
官名其姓名竟不
可知也軍猶屯也
附注張猶張公室
之張音如字是我
對入而言吾自謂
也賢臣在隨此謀

冬傳淳于公如曹也言奔則來行朝楚武王侵隨
禮言朝則遂留不去故變文言寔來
隨國今義
陽隨縣
使遠章求成焉遠章楚大夫軍於瑕以

待之地報隨隨人使少師董成少師隨大夫董正鬬

伯比言於楚子曰吾不得志於漢東也我則使然

鬬伯比楚大夫
令尹子文之父
我張吾三軍而被吾甲兵以武臨

之彼則懼而協以謀我故難間也漢東之國隨為

大隨張必棄小國張自侈大也○隨小國離楚之

利也少師侈請羸師以張之羸弱也○熊率且比

曰季梁在何益熊率且比楚大夫季梁隨鬬伯比

曰以為後圖少師得其君言季梁之諫不過一見

計故云以為後圖二年蔡侯鄭伯會于鄧始懼楚

楚子自此遂盛終於抗衡中國故傳備言其事以

終始王毀軍而納少師從伯比少師歸請追楚師

隨侯將許之信楚季梁止之曰天方授楚楚之羸

其誘我也君何急焉臣聞小之能敵大也小道大

淫所謂道忠於民而信於神也上思利民忠也祝

史正辭信也正辭不虛今民餒而君逞欲逞快也

罪祝史矯舉以祭臣不知其可也詐稱功德公曰

吾牲牷肥腍粢盛豐備何則不信牲牛羊豕也牲

無益今雖未行吾
計後舉必隨吾計
中少師得其君心
君將必用其計毀
林西仲云藏其精
兵不使見也納迎
而入之軍中也
林注當緩以圖之
何必急焉西仲云
一語喝破
書矯誣上天矯稱
詐也
經世欽隨侯只要
說神季梁只要說
民鬼神之情云云
見莊三十二年

亦肥也黍稷曰糝在器曰盛○音全臚徒忽反
 對曰夫民神之主也
 鬼言
 普備安存身無勞
 役故所養者如此
 蠡魯果反癩族生
 疥病蠡緣生癩類
 徐錯曰內經云蒸
 成癩癩乃瘰是也
 說文蠡作瘰不疾
 猶言不思此病也
 告牲言民畜多告
 祭言民食多告酒
 不言民酒多而言
 德者於祭己言年
 豐故也嘉粟薦神
 之辭或云粟疑醴
 九族白虎通詳之
 疏父族四五屬之
 內為一族父女昆
 弟適人者其子

亦肥也黍稷曰糝在器曰盛○音全臚徒忽反
 對曰夫民神之主也
 鬼言
 其畜之碩大蕃滋也謂其不疾癩蠹也謂其備臚
 牲以告曰博碩肥臚謂民力之普存也博廣也謂
 成有也雖告神以博碩肥臚其實皆當兼此四謂
 民力適完則六畜既大而滋也皮毛無疥
 癩兼備而無有所闕○音吁又反奉盛以告曰絜
 粢豐盛謂其三時不害而民和年豐也三時春
 酒醴以告曰嘉粟旨酒嘉善也粟謂其上下皆有
 嘉德而無違心也所謂馨香無諛慝也馨香之遠
 聞○音他

為一族己女昆弟
 適人者其子為
 一族己之女子
 適人者其子為
 一族母族三母之
 父姓為一族母之
 母姓為一族母女
 昆弟適人者其
 子為一族妻族二
 妻之父姓為一族
 妻之母姓為一族
 按并或作非宋板
 永懷本穆本皆并
 此注疑有錯誤或
 云外親一句當在
 弁已上此說或然
 按大良少良官名
 秦有大良造或謂

得故務其三時脩其五教父義母慈兄親其九族
 以致其禮祀禮絜敬九族謂外祖父外祖母從母
 子之子弁己之同族皆於是乎民和而神降之福
 外親有服而異族者也
 故動則有成今民各有心而鬼神乏主民饑君雖
 獨豐其何福之有君姑脩政而親兄弟之國庶免
 於難隨侯懼而脩政楚不敢伐夏會于成紀來諮
 謀齊難也齊欲滅紀故來謀北戎伐齊齊侯使乞
 師于鄭鄭大子忽帥師救齊六月大敗戎師獲其
 二帥大良少良甲首三百以獻於齊甲首被甲者
 首○二帥所

猶大連少連蓋人名

襄五年成陳書經此成不書故疑闕

由己非由人見成六年

附注忽辭昏之語可謂名言未可以成敗論人君子曰亦據其事而贊之也

告鄭伯以辭之要妻必告父母故也

經世欽勞民出師而已以成昏民必怨其勞衆自利三日內撰吉使子接母鄭玄作捷曰勝也使母補虛強氣

私內則也食乳也桑者木中之衆蓬者草中之亂取其長大統衆而治亂乃降以上皆內則文宗婦侍夫人也名文王曰昌見周本紀武王曰發無以言之舊說發兵誅暴故名家語伯魚生昭公賜鯉魚

於是諸侯之大夫戍齊齊人饋之餼類反必詩照反

使魯為其班後鄭班次也魯親班齊饋則亦使大夫戍齊矣經不書蓋史闕文

鄭忽以其有功也怒故有郎之師郎師在十年公之未

昏於齊也齊侯欲以文姜妻鄭鄭大子忽大子忽辭

人問其故大子曰人各有耦齊大非吾耦也詩云

自求多福詩大雅文王言求福由己在我而已大

國何為君子曰善自為謀言獨繫其身謀不及國及其敗戎

師也齊侯又請妻之欲以他女妻之固辭人問其故大子

曰無事於齊吾猶不敢今以君命奔齊之急而受

室以歸是以師昏也民其謂我何怪於民遂辭諸

鄭伯假父之命以為辭為十秋大閱簡車馬也九

月丁卯子同生以大子生之禮舉之接以大牢大牢

也牛羊豕也以禮接夫人重適也士負之士妻食之

及公與文姜宗婦命之世子生三月君夫人沐浴

婦抱子升自西階君命之於外寢立於阼階西鄉世

五有信有義有象有假有類申繻魯大夫以名生

為信若唐叔虞以德命為義若文王名昌以類命

武王名發

若以他國為名不須自廢名也觀晉侯周衛侯鄭陳侯吳之類可知

諱始于周周以諱法敬事明禘子生三月為之立名終久必將諱之故須預有所礙為下諸廢張本也終將諱之謂死後乃諱之諱辭也親祭謂高祖之父服絕廟毀而親情盡也

馮氏云朱子亦以神字絕據孔氏名亦另讀也鄭云隱疾衣中之疾俗語

隱疾難為醫主所主祭六畜馬牛羊豕犬雞具教見晉語同物史作同日按昭七年傳何謂六物歲時日月星辰是謂也大物即上國官山川之類咸丘并譏失地也王制云昆夷未韞不以火田程氏云蠶而火田者去莽翳以逐禽獸非竭山林而焚之也穀部在南地屬衡山盟向二邑有主攝之其主求成也

隱疾難為醫主所主祭六畜馬牛羊豕犬雞具教見晉語同物史作同日按昭七年傳何謂六物歲時日月星辰是謂也大物即上國官山川之類咸丘并譏失地也王制云昆夷未韞不以火田程氏云蠶而火田者去莽翳以逐禽獸非竭山林而焚之也穀部在南地屬衡山盟向二邑有主攝之其主求成也

為象若孔子首象尼丘取於物為假若伯魚生有人有饋取之魚因名之曰鯉

於父為類若子同生有與父同者不以國國君之子不自以本國為名也不

以官不以山川不以隱疾隱痛疾患避不祥也不以畜牲畜牲

畜不以器幣幣帛周人以諱事神名終將諱之君父

之名固非臣子所斥然禮既卒哭以木鐸徇日舍故而諱新謂舍親盡之祖而諱新死者故言以諱

事神名終將諱之自父至高故以國則廢名國不可

祖皆不敢斥言舍音捨故以國則廢名國不可

廢祀各羊則廢羊以器幣則廢禮晉以僖侯廢司

徒僖侯名司徒宋以武公廢司空武公名司空廢為司城先

君獻武廢一山二山具教也魯獻公名具武公名

是以大物不可以命公曰是其生也與吾同物命

之曰同物類也冬紀侯來朝請王命以求成于齊

公告不能紀微弱不能自通於天子欲因公請上疑

經七年春二月己亥焚咸丘魯地高平鉅野縣南無傳焚火田也咸丘

有咸亭譏畫物故書夏穀伯綏來朝鄧侯吾離來朝不揔稱

自行朝禮也穀國在南不書秋文史闕鄉筑陽縣北筑音逐文也詳四年注

傳七年春穀伯鄧侯來朝名賤之也禮陋小國賤

故經書夏春秋來夏乃行朝禮夏盟向求成于鄭既而

此二邑之主背鄭
 歸王也下五月夏
 之三月也正月既
 祭矣而五月復祭
 者必以前祭為不
 備也其禮甚矣
 節南山云家父作
 誦云云按今距幽
 王崩七十餘年此
 家父必非作誦之
 人陳深以家父為
 字非杜意
 書遂始于此遂者
 因上事生下事之
 辭公不獨行必
 卿從稱王后得王
 之命后禮已成也
 林法祭公來不稱

背之盟向二邑名隱十一年王以與鄭故求秋鄭

人齊人衛人伐盟向王遷盟向之民于邾邾王冬

曲沃伯誘晉小子侯殺之曲沃伯武公也

八年春正月己卯烝無傳此夏之仲月非為過

天王使家父來聘無傳家父天子大夫家氏父字

夏五月丁丑烝無傳秋伐邾無傳冬十月雨雪無傳今

祭公來遂逆王后于紀祭公諸侯為天

傳八年春滅翼滅之隨少師有寵楚鬬伯比曰可

矣讎有釁不可失也釁取隙也無德夏楚子合諸

侯于沈鹿沈鹿楚地黃隨不會黃國今陽縣使遠章讓黃責

會楚子伐隨軍於漢淮之間季梁請下之弗許而

後戰下之請服也所以怒我而怠寇也少師謂隨

侯曰必速戰不然將失楚師隨侯禦之望楚師遙

楚季梁曰楚人上左君必左君楚君也無與王遇且攻

其右右無良焉必敗偏敗眾乃攜矣少師曰不當

王非敵也弗從不從季戰于速杞隨師敗績隨侯

逸速杞隨地鬬丹獲其戎車與其戎右少師鬬丹

故曰逸

王使王未有成命

也遂專也按似非

禮故傳斷之曰禮

蓋婚禮不稱主人

下之則楚師急弗

許則我師怒少師

及上添請字觀焉云此段典上事本連編書者因另起年遂斷其事耳緡眉貧反說詳附注

夫戎車君所乘兵車也戎秋隨及楚平楚子將不詐鬪伯比曰天去其疾矣去疾謂少師見獲而死隨未可克也乃盟而還冬王命虢仲立晉哀侯之弟緡于晉

虢仲王卿士號公祭公來遂逆王后于紀禮也天子娶於諸侯使同姓諸侯為之祭公來遂逆王后于紀禮也天子娶於諸侯使同姓諸侯為之

九年春紀季姜歸于京師季姜桓王后也季字姜紀姓也書字者仲

夏四月秋七月冬曹伯使其世子射姑來朝曹伯有疾故使其子來朝射姑音亦又音夜

九年春紀季姜歸于京師凡諸侯之女行唯王

此言紀父母之於子雖為天王后猶曰吾季姜據父母之家為文也經作世字傳皆為大古者世之與大字義或通明年曹伯卒故知其有疾

太子不令稱朝撰父事故稱之按春秋人名射姑者殊多祀伯益姑魯人申夜姑此皆字音與射姑相通而名義難詳故叙文無定音女子謂嫁曰有行巴國姬姓見昭十三年

鄧師三逐巴師楚巴不勝故鬪廉設

雅以誘之衡音橫是也秋文北如字

一音佩裕康音胸

音橫陳

必北注北者乖背之名故為敗走師

后書為書婦人行例也適諸侯雖告魯猶不書巴子使韓服告于楚請

與鄧為好在巴郡江州縣楚子使道朔將巴客

以聘於鄧道朔楚大夫鄧南鄙鄧人攻而奪之幣

鄧在今鄧縣南沔水之北殺道朔及巴行人楚子使遠章

讓於鄧鄧人弗受言非鄧人所攻夏楚使鬪廉帥師及巴

師圍鄧鬪廉楚大夫鄧養甥明甥帥師救鄧二逐巴師

不克二甥皆鄧大夫鬪廉衡陳其師於巴師之中以

戰而北衡橫也分巴師為一部鬪廉橫陳於其間

音橫陳直覲反鄧人逐之皆巴師而夾攻之楚師偽走鄧師逐之皆巴

古云北幽隱之処
 故退敗者謂之北
 梁嬴姓世本皆賈
 皆姬姓晉荀氏
 賈氏蓋滅之以賜
 大夫
 驚猶命也言誓暑
 明天子既命以為
 之嗣樹子不易也
 列國之卿當小國
 之君故小國之世
 子不當大國之卿
 各如其國之上卿
 也有憂非逆料語
 足利本後人記云
 註其君下有事字
 桓公卒于莊公射
 姑云

師巴師攻之楚師自鄧師大敗鄆人宵潰宵夜秋

號仲芮伯梁伯荀侯賈伯伐曲沃梁國在馮翊夏陽縣荀賈皆國

名冬曹太子來朝賓之以上卿禮也諸侯之適子未誓於天子

而攝其君則以皮帛繼子男故賓之以適丁歷反享曹太子

初獻樂奏而歎酒始獻施父曰曹太子其有憂乎非

歎所也施父魯大夫

經十年春王正月庚申曹伯終生卒未同盟而夏

五月葬曹桓公無傳秋公會衛侯于桃丘弗遇無傳

與公為會期中曹公更與齊鄭故公獨往而不冬

十有二月丙午齊侯衛侯鄭伯來戰于郎改侵伐而書來

戰善魯之用周班惡三國計多有辭惡烏洛反又烏路反

傳十年春曹桓公卒終施父號仲譖其大夫詹父

於玉號仲王卿士詹父屬詹父有辭以王師伐號

夏號公出奔虞虞國在河東大陽縣秋秦人納芮伯萬于芮

四年圍魏初虞叔有玉虞叔虞公之弟虞公求旃旃之也

然弗獻既而悔之曰周諺有之匹夫無罪懷璧其

罪人利其璧吾馬用此其以賈害也賈買也音煙賈音古

乃獻之又求其寶劍叔曰是無厭也無厭將及我

侵伐者師旅討罪之名也書聚戰者若三國自來戰而魯人不與戰也

有辭者猶有私有理直之辭也

小爾雅旃焉也一說之焉合聲

庶人惟夫妻相匹其名既定雖單亦通羣云通謂匹天匹婦也

林注懷玉坐而待禍害之至如賈之坐而待價按賈書

猶求禍以玉賈罪將殺我。遂伐虞公，故虞公出奔共池。共池地名，關音。邑以賈怠，楊楮賈。禍皆以此代彼也。鄭忽負功，怒魯，致有此事，故特改常例，還以王爵次之。以王爵之鄭厚齊，衛下所以責彼之無禮也。綏却也。古名退軍為綏，司馬法將軍死綏是也。惡曹此戰即之諸侯也。戰稱君盟稱入聘之也。即戰三國曲故書來戰惡之也。此盟又結怨固黨，故奪爵以示貶。

魯次之，魯以周班後，鄭鄭人怒，請師於齊。齊人以衛師助之，故不稱侵伐。不稱侵伐而以戰為文明，以禮自釋，交綏而退，無敗績。先書齊衛王爵也。鄭主兵而所以見魯猶秉周禮者，以王爵次之也。春秋所以見魯猶秉周禮者，以王爵次之也。春秋所以見魯猶秉周禮者，以王爵次之也。

經十有一年春正月，齊人衛人鄭人盟于惡曹。惡曹，地。夏五月癸未，鄭伯寤生卒。秋七月，葬。

鄭莊公卒，子昭公。忽立，此書執之始。諸侯納之曰：婦鄭忽言鄭者，鄭人別告，故不連上文。父既葬，則成君矣。賤之意在忽之復歸。書奔始此，穀梁鄭忽其名失國也。胡傳以國氏正也。出奔而名不能君也。蔡叔亦未賜族者。傳不虛舉經，今舉此盟為經，闕宋故傳先舉經之所有，乃以闕者實之。非也。一說傳衍宋字。

鄭莊公無傳。三月，九月，宋人執鄭祭仲，祭氏，仲名。突歸于鄭。突，厲公也。為宋所納。

鄭人既葬，不稱爵者，鄭人賤之，以名赴。柔會宋公陳侯蔡叔盟于柝。無傳。祭魯大夫未賜族者，蔡叔蔡公會宋公于夫鍾。無傳。夫鍾，鄭地。音扶。冬十有二月，公會宋公于闕。無傳。地，在東平須目縣。東南。闕，口暫反。

傳十一年春，齊衛鄭宋盟于惡曹。宋不書，經闕。楚屈瑕將盟貳軫。貳軫，二國名。居勿反。鄭人軍於蒲騷，將與隨絞。

取云有郎上脫今

字

取政貴靜之義

大夫稱主不得稱

君楚僭号縣令稱

公故呼卿為君大

夫家臣呼其主為

君則有之

虞心即虞度外後

之心也無鬪志謂

無死戰之心是戰

散地者邑亦國也

按傳曰者昭廿四

年傳文此注改予

為武王今出于泰

誓昭廿四年傳注

云紂眾億兆又

有四夷昭四年傳

云商紂為黎之蒐

東夷叛之字氏云

杜不見古文故引

傳然乱臣十人非

牧野之事不如引

紂有臣億万予有

州蓼伐楚師郎國在江夏雲杜縣東南有郎城蒲

騷郎邑統國名州國在南郡華容縣

陽城郎音云騷音蕭統古邪反莫敖患之莫敖楚官

名即屈瑕屈瑕也鬪廉曰郎人軍其郊必不誠且日虞

四邑之至也虞度也四邑隨統君次於郊郢以禦

四邑君謂屈瑕也郊郢我以銳師宵加於郎郎有

虞心而恃其城特近其城莫有鬪志若敗郎師四邑必

離莫敖曰盍請濟師於王盍何不也對曰師克在

和不在商紂也周武不在衆商周之不敵君之所聞也王也傳曰武

王有亂臣十八紂有億兆夷人成軍以出又何濟焉莫敖曰卜之

對曰卜以決疑不疑何卜遂敗郎師於蒲騷卒盟而還

卒盟鄭昭公之敗北戎也在六年齊人將妻之昭公

辭祭仲曰必取之君多內寵子無大援將不立三

公子皆君也子突子豐子儀之母皆有弗從夏鄭

莊公卒初祭封人仲足有寵於莊公祭鄭地陳留

有祭城封人守封疆莊公使為卿為公娶鄧曼生

昭公故祭仲立之曼鄧姓為于宋雍氏女於鄭

莊公曰雍姑生厲公雍氏姓宋大夫也以女妻

及婦其雍氏宗有寵於宋莊公故誘祭仲而執之

吉反

應命應彼宋之召

命也行人謂行往

宋耳杜欲成不稱

行人之義故以行

人言之將死猶言

將殺之一本祭上

有故字或云祭封

人以下對叙對收

分作三節不見結

祭仲之如宋非會非聘見誘而以行人應命

而不求賂焉祭仲與宋人盟以厲公歸而立之秋九

月丁亥昭公奔衛己亥厲公立

雍氏宗宗族也指其大宗共昭廿八年櫻陽人大宗同

經十有二年春正月夏六月壬寅公會杞侯莒子

盟于曲池曲池魯地魯國汶陽縣北有曲水亭秋七月丁亥公會宋

公燕人盟于穀丘穀丘宋地燕人南燕大夫八月壬辰陳侯躍

卒無傳厲公也十一年與魯大夫盟於拆不書葬魯不書也壬辰七月二十三日書於八月從赴

公會宋公于虛虛宋地○冬十有一月公會宋公

于龜龜宋地丙戌公會鄭伯盟于武父武父鄭地陳留濟陽縣東

例故其詳略皆依

北有武父城

丙戌衛侯晉卒

無傳重書丙戌非義例因史成文也未同盟而赴以

以鐘鼓其罪而

伐人彼不服罪而

反與我戰所以深

責之也我有辭以

責宋不使宋敢敵

我以我自獨戰為

文或云句瀆反穀

也二合音詳襄十

九年詩巧言篇

或云成之與否宋

人之意未可審知

君子語專責宋詩

名十有二月及鄭師伐宋丁未戰于宋

者以見宋之無信也莊十一年傳例曰皆陳曰戰尤其無信故以獨戰為文

傳十二年夏盟于曲池平杞莒也

隱四年莒人伐杞自是遂不平

公欲平宋鄭秋公及宋公盟于句瀆之丘

句瀆之丘即穀

丘也宋以立厲公故多責賂於鄭鄭宋成未可知

也故又會于虛冬又會于龜宋公辭平故與鄭伯

盟于武父宋公貪鄭賂故與公三遂帥師而伐宋

戰焉宋無信也君子曰苟信不繼盟無益也詩云

句解行軍之法別有徒役以供采樵使正軍押衛以徃補注坐坐陣也晁按解守意亦相通言截其北門之婦路也坐伏兵之形兵臨城下力屈勢沮求服受盟是其不知之甚將為鄰國所笑故深耻之謀及問也巡謂巡遠徧行之蓋算其衆之多寡此戰本由宋鄭相怨當以宋鄭為主其序紀在鄭上宋在齊下者若魯人不共而

君子屢盟亂是用長無信也詩小雅言無信故數盟數盟則情疏情疏

則憾結故云長長不楚伐絞軍其南門莫敖屈瑕曰絞亂

小而輕輕則寡謀請無扞采樵者以誘之扞衛也

○遣政反從之絞人獲三十人獲楚人也明日絞人

爭出驅楚役徒於山中楚人坐其北門而覆諸山

下坐猶守也覆設伏兵大敗之為城下之盟而還

城下盟諸侯所深取伐絞之役楚師分涉於彭彭水在新羅城縣西山中後

人欲伐之使伯嘉謀之三巡數之羅熊姓國在宜城縣

徒南郡枝江縣伯嘉羅大夫謀伺也巡徧也○數色主反

經十有三年春二月公會紀侯鄭伯己巳及齊侯

宋公衛侯燕人戰齊師宋師衛師燕師敗績大崩

績例在莊十一年或稱人成稱師史異辭也三月

葬衛宣公無夏大水無秋七月冬十月無

傳十三年春楚屈瑕伐羅鬪伯比送之還謂其御

曰莫敖必敗舉趾高心不固矣趾足遂見楚子曰

必濟師難言屈瑕將敗故以益師諷楚子辭焉不

其肯故拒之入告夫人鄧曼鄧曼曰大夫其非衆

之謂鄧曼楚武王夫人言伯比意不在於益衆也其謂君撫小民以信

鄰國自行則以主兵為先若與魯高行魯史所記當以魯為主不得復先主兵既不先則以大小為序故紀先鄭也此燕人謂將也若云燕人敗績則是燕將身傷以此不得不稱師敗莊廿八年衛人及齊人戰衛人敗績彼敗稱人此敗稱師是史異辭也戰稱將敗稱師史之常法以戰以將為重敗則群帥皆崩故也

林注刑非獨刑罰以嚴明之政威莫教使之恐懼脩省也按小民諸卒諸司群帥好鎮撫句鮮好以言辭鎮撫之或云撫小民好鎮撫之撫絲也下鎮撫之撫抑也意少異矣其謂以下廿字夫固以下卅二字並一氣誦大室云賴人熟知道里故使追之附注見楚不相見之見經句及皆見之見賢通及及行及悉也在忍反又極

訓諸司以德而威莫教以刑也莫教徃於蒲騷之役將自用也怙怙也蒲騷役在十一年必小羅君若不鎮撫其不設備乎夫固謂君訓衆而好鎮撫之撫小民以信也召諸司而勸之以令德訓諸司好呼報反又如字見莫教而告諸天之不假易也諸之也言天不借貸慢易之人威莫教以刑也不然夫豈不知楚師之盡行也楚子使賴人追之不及賴國在義陽隨縣賴人仕於楚者莫教使徇于師曰諫者有刑徇宜令也及鄢亂次以濟鄢水在襄陽宜城縣入漢遂無次且不設備

也盡之也俗作倦津忍反秋文皆誤齊與之典杜孔無說蓋行三傳經文可徵後人多為鑿說皆非以解見下公未見紀鄭紀鄭己此齊宋先設戰期公不及設期唯及其戰故不書所戰之地言此地非公所期故不書也春秋無事必書首月夏四則不書月為闕文夏五不獨月闕文其事亦闕祭義天子為藉于畝諸侯百畝躬秉

及羅羅與盧戎兩軍之盧戎南蠻大敗之莫教縊于荒谷群帥囚于冶父縊自經也荒谷冶父皆楚地以聽刑楚子曰孤之罪也皆免之宋多責賂於鄭立突鄭不堪命故以紀魯及齊與宋衛燕戰不書所戰後也公後地期而及其戰故不書所戰之地鄭人來請修好經十有四年春正月公會鄭伯于曹條十二年武父之好以曹地曹無冰無傳書夏五不書月鄭伯使其弟語來盟秋八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦過也既戒日致齊廩廩力錦反乙亥嘗雖災苟不嘗嘉穀則祭不應廢

東以事天地山川社稷先古敬之至八月建未未是始殺故云過也至申在乙亥前三日是致齋之初日也

僖公卒子襄公諸兒立林注以一國而用諸侯之師于是始此伯者之所由起

桓王崩子莊王他立桓王至莊三年葬

故書以不示法冬十有一月丁巳齊侯祿父卒無傳○紈悉薦反年盟於艾宋人以齊人蔡人衛人陳人伐鄭右之師能以例在僖二十六年

傳十四年春會于曹曹人致餼禮也熟曰饗生曰餼夏鄭子人來尋盟且脩曹之會子人即弟語也秋八月壬申御廩災乙亥嘗書不害也災其屋救之則息不及穀故曰書不

害冬宋人以諸侯伐鄭報宋之戰也在十一年焚渠門入及大逵渠門鄭城門遶道方尤軌伐東郊取牛首東郊鄭郊牛首鄭邑以大宮之椽歸為盧門之椽大宮鄭祖廟盧門宋城門告伐而不告入

凡諸侯出奔皆被逐而出非自出也

仲尼之經更沒逐者主名以自奔為文惡君不能君故臣亦不臣不純在其臣故也昭三年傳書曰北燕伯款

出奔齊罪之也成十八年傳復其位曰復婦忽鄧曼所生祭仲姬姓是同宗卿經書鄭忽出奔不稱鄭伯是降名今稱世子以未嘗為君告也此段

鼎別有說許叔即穆公新臣

取故不書○天音泰

經十有五年春二月天王使家父來求車三月乙未天王崩無傳相夏四月己巳葬齊僖公無傳五月

鄭伯突出奔蔡突既篡立權不足以自固又不能倚任祭仲反與小臣造賊盜之計

故以自奔為文罪之也例在昭三年鄭世子忽復歸于鄭忽實居君位故今還

以復其位之例為文也稱世子者忽為天子有母氏之寵宗卿之援有功於諸侯此天子之盛者也而守介節以失大國之助知三公子之強不從祭仲之言修小善聚小行從匹夫之仁忘社稷之大計故君子謂之善自為謀言不能謀國也父卒而不能自君鄭人亦不君之出則降名以赴入則逆

以天子之禮始於見逐終於見殺三公子更許叔立亂鄭國者實忽之由復歸例在成十八年許叔

凡去其國國逆而立之曰入八者自外之辭許始復國許叔得還指其實事有國逆之理但非國逆正例諸侯世子稱名則附庸世子稱人又世子稱謂之等級知非不與謀言會者以言于寡故知此行會禮也若不與謀言會則是言地直言會則是不與謀例也車服謂命車命服也趙氏引周官九貢有服貢敷傳恐非

入于許許叔居許東偏鄭莊公既卒乃入居位許人嘉之以字告也叔本不公會齊侯于艾邾人牟

人葛人來朝無傳三人皆附庸之世子也其君應縣葛國在梁國秋九月鄭伯突入于櫟櫟鄭別都寧陵縣東北冬十有一月公會宋公衛

侯陳侯于袤伐鄭袤宋地在沛國相縣西南先行無義例也櫟音歷

傳十五年春天王使家父來求車非禮也諸侯不

貢車服車服上之天子不私求財諸侯有常職貢祭仲專

不於家設享而於郊外此將因享殺之也或云於郊者欲使妻不地知寫故妻曰吾不知其故是證雍子必作寔也通俗文停水曰汪池之汙濁者謀及婦人林云與其妻謀宋云為其妻所知按婦人者內人非指其妻昭十一年無字云鄭莊公直于元于櫟檀伯佐之此鄭伯即厲公弗克不能納也

鄭伯患之使其婦雍糾殺之將享諸郊雍姬知之

謂其母曰父與夫孰親其母曰人盡夫也父一而已胡可比也婦人在室則天父出則天夫女遂告

祭仲曰雍氏舍其室而將享于郊吾惑之以告祭仲殺雍糾尸諸周氏之汪汪池也周氏鄭大夫殺而暴其尸以示戮

也舍音捨汪鳥黃反暴步卜反公載以出敗其見殺故載曰謀及婦人宜其死也夏厲公出奔蔡六月乙亥昭公

入許叔入于許公會齊侯于艾謀定許也秋鄭伯因櫟人殺檀伯而遂居櫟檀伯鄭守櫟大夫冬會于袤謀

與謀曰及不與謀曰會此當言及今言會者諱議納不正之人故從不與謀之例

此書至伐之始

如滕與葬同月知此城向與下出奔

同是十一月也但十一月水星昏猶未正此年月却節前又方者未至之辭故以定之方中

意方欲回中而實未正中十一月可以與土功書時非傳誤也或云土功自戒事至畢功非

各隨本而書之耳經書夏叔弓如滕五月葬滕成公傳云五月叔弓如滕即知但稱時者未必與下月異也又推校此年閏在六月則月却而節前星可在十一月而正也詩云定之方中作于楚宮此未正中也功役之事皆揔指天象不與言歷數同也故傳之釋經皆通言一時不月別○向失亮反定丁十有一月衛侯朔出奔齊惠公也朔讒構取國故不言二

伐鄭將納厲公也弗克而還

經十有六年春正月公會宋公蔡侯衛侯于曹夏

四月公會宋公衛侯陳侯蔡侯伐鄭春既謀之今書會者魯諱

議納不正蔡常在衛上今序陳下蓋後至

秋七月公至自伐鄭之禮故

書冬城向傳曰書時也而下有十一月舊說因謂此城向亦俱是十一月但本事異

冬城向傳誤此城向亦俱是十一月但本事異

各隨本而書之耳經書夏叔弓如滕五月葬滕成

公傳云五月叔弓如滕即知但稱時者未必與下

止一月之事故城築皆時而不月此言書時或疑美之者未是朔以自由為罪之也

系訓進言自進與之溜也

左右公子蓋宣公之兄弟也按宣公在位十九年則急于其為公子時之所生不然年數不合但其悉於夷姜生之可疑

朱注急于言父命為使而奔焉是棄父之命也棄命之

八公子逐罪之也

十六年春正月會于曹謀伐鄭也

前年冬謀納厲公不克故復更

夏伐鄭秋七月公至自伐鄭以飲至之禮也

冬城向書時也初衛宣公悉於夷姜生急子

夷姜之庶母也屬諸右公子為之娶於齊而美公取之

上淫曰悉屬壽於左公子左右勝之子因以為號

生壽及朔屬壽於左公子屬音燭下同為于偽反

羊證夷姜縊自經死宣姜與公子朔構急子宣姜

所取急于之妻構會其過公使諸齊使盜待諸莒

將殺之莒衛地陽平縣西北有莒亭壽子告之使

子無用於父母則
可也言可往奔耳
載其旌蓋旌有識
故也世家云與太
子白旄而告盜曰
見白旄殺之壽子
欲竊其旌故飲以
酒

此齊魯交兵之始
齊魯之兵始于奚
而終于艾陵按不
書戰者名者微者
也微者而敵齊賤
齊也賤齊者所以

行行去不可曰棄父之命惡用子矣惡安也。有

無父之國則可也及行飲以酒壽子載其旌以先

盜殺之急子至曰我之求也此何罪請殺我乎又

殺之二公子故怨惠公十一月左公子洩右公子

職立公子黔牟黔牟羣公子。飲於鳩。反洩息列反。黔其廉反。惠公奔齊

經十有七年春正月丙辰公會齊侯紀侯盟于黃

黃齊黃齊地稱字二月丙午公會邾儀父盟于越越魯地稱字

也二月無丙午丙午三月四日也。日月必有誤。○越羣執反。夏五月丙午及齊師戰

于奚奚魯地皆陳曰六月丁丑蔡侯封人卒十一年大

善魯也 蔡桓公
卒弟哀公獻舞立

諸侯葬稱公禮之
常也此無貶責而
獨稱侯故云誤也
按蔡季即哀侯獻
舞也見莊十年注
公羊以季與獻舞
為二人

夫盟夫盟秋八月蔡季自陳歸于蔡蔡蔡侯弟也

已葬蔡桓侯無傳稱侯蓋謬及宋人衛人伐邾冬

十月朔日有食之甲乙者歷之紀也晦朔者日月

晦朔須甲乙而可推故日食必以書朔日為例

傳十七年春盟于黃平齊紀且謀衛故也齊欲滅紀及

邾儀父盟于越尋蔑之盟也蔑盟在夏及齊師戰于奚

疆事也爭疆於是齊人侵魯疆疆更來告公曰疆場之

事慎守其一而備其不虞虞度也。不度猶不姑盡所

備焉事至而戰又何謂焉齊背盟而來公以蔡桓

典封疆者慎守其
一家之所有以備
不意度之事來告
疆吏之職不妄動

人君之度能守者能戰事至當出戰按書字以善得衆是夫子字之也蔡人嘉之故以字告是蔡人字之也

天子掌歷者謂史也太史下大夫非卿言居卿則是尊之如卿也附注禮也二字疑在朝下或傳寫倒錯律曆志于朝下有言告朝也四字 韓子以為君子言知所惡者見

侯卒蔡人召蔡季于陳

桓侯無子故召季而立之季內得國人之望外有諸

侯之助故書字以善得衆稱歸以明外納秋蔡季自陳歸于蔡蔡人嘉之也

嘉之故伐邾宋志也 邾宋爭疆魯從之盟冬十月朔日有食之不書日官失之也天子有日官諸侯

有日御 日官日御日官居卿以底日禮也 日官天

者不在六卿之數而位從卿故言居卿也底平也謂平歷數日御不失日

以授百官于朝 日官平歷以班諸侯諸侯秦之不失天時以授百官初鄭伯將

以高渠彌為卿昭公惡之固諫不聽昭公立懼其

殺己也辛卯弑昭公而立公子亯 公子亯昭公弟

○惡鳥路反

其知之而不早斷之致禍也知達非鄭人者以其言在君子譏之後也

君子謂昭公知所惡矣公子達曰 公子達魯大夫 高伯

其為戮乎復惡已甚矣 復重也本為昭公所惡而復弑君重為惡也 ○復扶

又及一音服 復惡疑報惡之誤 則乖註意 韓非子論之詳矣

經十有八年春王正月公會齊侯于濼 濼水在濟南歷城縣

公與夫人姜氏遂如齊 公本與夫人俱行至

于齊 不言戕諱之也戕 丁酉公之喪至自齊 無傳

也 丁酉五月一 秋七月冬十有二月己丑葬我君

桓公 無傳九月乃葬緩慢也

僖十一年公及夫人會齊侯于陽穀彼言及此不言及者蓋時史譏其男女無別故不書及趙鵬飛云如齊者文姜志也故書其若曰公不得已而與姜氏如齊也此及與之別也 曾鞏云濟自王莽時不能被河南而

灤水所入者清河也。瀆，淫，嫖，謂同行家者。內外之大名，戶內曰室。朱云：女當安於夫之家，男當安於妻之室。說男出則女安夫之家，女出則男安夫之室，安安守也。公羊曰：於其乘焉，擄幹而殺之，注擄，折也。世家云：力士彭生抱上魯君車，因擄殺擄擄拉，協音義同也。附注：諸陟革反。字氏云：還寬錄，引作無所歸咎惡何。

傳十八年春，公將有行，遂與姜氏如齊，始議申繻曰：女有家，男有室，無相瀆也。謂之有禮，易此必敗。女安夫之家，夫安妻之室，違此則為瀆。公會齊侯，今公將姜氏如齊，故知其當致禍亂。于灤，遂及文姜如齊，齊侯通焉，公謫之。謫，直革反。以告齊侯。夏四月丙子，享公。齊侯為公設使，公子彭生乘公，公薨于車。幹而殺之。乘，如字，又繩證反。國力答。魯人告于齊曰：寡君畏君之威，不敢寧居，來脩舊好，禮成而不反，無所歸咎惡於諸侯，請以彭生除之。除，恥辱也。齊人殺彭生。非卿，秋齊侯

辭以告于諸侯，請以彭生除恥辱也。史記無於諸侯三字，下句作以除醜於諸侯。

十二年傳：周禮條狼氏，誓駁曰：車轅是也。馮云：是行也，即從上文抽出別叙信也。是仲得意語。按葉公之顧命曰：母以嬖御人疾狂，后母以嬖御士疾，莊士大夫韓非子曰：內有疑妻之妾，妾有疑嫡之子外。

師于首止。陳師首止，討鄭，狄君也。首止，衛子。豐會。

之高渠彌。相息亮反。七月戊戌，齊人殺子。

之鄭子儀也。是行也。祭仲知之，故稱疾不往。人曰。

祭仲以知免。仲曰：信也。時人譏祭仲失忠臣之節，既不正，又不能固位安民，宜其見除。故。

莊王而立王子克。莊王太子王，辛伯告王，遂。

與王殺周公黑肩。王子克奔燕。辛伯，周初子儀有。

寵於桓王。桓王屬諸周公，辛伯諫曰：竝后。屬音。

竝后。屬音。

竝后。屬音。

有疑相之臣臣有疑君之權范無字曰大都疑國大臣疑主亂之媒也都疑則交爭臣疑則立令禍之深者也此當與此段並觀

燭

匹嫡庶如

兩政臣擅

耦國都如

亂之本也

周公

弗從故及難也

及於

難也

難也

難也

難也

難也

難也

難也

難也

難也

難也

男

壽

明人

村瀨海輔

校字

春秋左氏傳校本第二

桓經

元年脩好

呼報反

近垂

附近

令鄭

力呈

傳渝盟

羊王

無享

許丈

傳為路

張慮

反後

反後

遣使

所吏

宋華

戶化反

父督

音篤

經二年

閏

音圭

召陵

反上

照

傳為路

張慮

反後

于偽

反注除為

惡其

鳥路

婉

於阮

大宰

音泰

遂相

息亮反

著儉

張慮

反後

反後

反後

不音

祀天車

本或無

天

袞

古本

黻

音弗

笏

音忽

曷

音昔

統

字林

丁

反下

上

藉玉

在夜

馬膺

於陵

黼

音甫

相戾

力計

械

戶戒

鈴

音零

額

彼驕

旂勤衣

而寘

之鼓

反

官邪

似嗟

雒邑

本亦

受夏

戶雅

邲

古洽

鄆

音辱

近楚

附近

舊好

呼報反

以上

時掌

曰仇

音求

君之名

子

如字

或

其替

他計反

少子

詩照

以諷

方鳳

適子

丁歷

為小宗

本或作

為

等衰

初危

反注

反注

同

無復

扶又

分別

彼列

衰殺

所界

覲

字林

羊住

侯甸

徒練

經

三年

約言

如字

又

長垣

音袁

傳隰

下溼

駢

芳非

各徇

似俊

媒介

音界

之好

呼報

同齊侯送姜氏本或作送姜氏于謹公子女公馮翊經四年公狩手又夏之戶

反下伯糾居黜傳經五年雩音于祭名龍見賢遍螽音終定陶同勞傳五父反

音襲習王卒尊忽反縫扶容反五乘繩證反靡許危反名仲字足本一作字仲足

本亦重言直用反遠為于偽反閉必計反又必結反烝之承不復音者皆同

危難乃旦反經六年省文所景反閱悅音是適丁歷反長子丁丈反傳瑕下加反

而被皮寄反難間間廁之間師侈昌氏反又抗衡苦浪反矯舉居北反蕃滋

音疾本又作無疥音疥癘息淺反遠聞音問又九族杜釋與孔安禮

祀音飢音飢又饋其媿反餽許既反牲桑弧蓬矢步工反于阼才故反

今本于鯉音里周人以諱事神名絕句衆家多以鐸待洛反徇似俊反本

經七年焚扶云綏來須唯反傳辟陋本又作邾古洽反經八年烝之承為

下于偽反復烝扶又傳釁許觀反弋餘職反將失楚師一本無天去起日反

同經九年仲父母申音傳為書于偽反為好呼報反沔回善反陳如而來洽

反又音宵潰戶對反夏陽戶雅反適子丁歷反享曹許兩反施父甫音經十年中

背如字一音丁傳詹父章廉反諺音彥以見賢遍反經十一年聽迫吐定于

折一音市須昌宜諭反傳屈居勿反楚貳軫音二下蒲騷一音州蓼音

本或作江夏戶雅反滇城音云本亦作郎棘紀力反湖音胡且日人逸虞度

待洛郊郢一音以恃近附近盍請戶臘反濟箋計反億兆於力反大援於眷反

音甫地名有交重書直用反以見賢遍反皆陳直觀反傳粵盟力俱反本

同○今故數音解而憾戶暗反○今采樵在遙謀徒協反枝江質而謀反

伺也音巡徧音經十三年傳必濟箋計風諫方鳳反本亦作狃快音

時設反不借子夜反貸他代反慢武諫反亂次以濟本或作亂次廬如字本或

亦廬今本縊于一鼓反荒谷如字本或冶父音脩好呼報反經十四年之好

呼報反曹與預音先其一字如致齊側皆反傳達求龜反椽直專反更立音卒人亡侯

謂之棖齊魯經十五年倚任於綺反守介音小行下孟反更立音卒人亡侯

翟徒歷反傳檀徒丹反經十六年傳故復扶又反承急子如字詩上淫

時掌反一飲以酒一本以黔音經十七年傳疆事居良反注虞度

待洛反齊背音佩復重直用反經十八年樂一音洛說言戕在良反傳

瀆徒木反謫責也王又譴遣戰反為公于偽反上車時掌反舊好呼報反歸咎其

反裂音列以知一字如欲弒申志反匹嫡丁歷反臣擅市戰反於難乃且反

